

四庫全書

史部

欽定四庫全書

史部

大事記續編卷七十一至

詳校官檢討

臣朱依昊

編修

臣裴謙覆勘

總校官編修

臣倉聖脉

校對官助教

臣胡子襄

謄錄監生

臣翟灝

謄錄監生

臣馬步蟾

欽定四庫全書

大事記續編卷七十一

明 王禕 撰

梁太祖皇帝朱晃開平元年晉王李克用岐王李茂  
貞淮南楊渥並天祐四年蜀高祖皇帝王建天復七  
年楚王馬殷南平王高季興吳越王錢鏐  
嶺南王劉隱閩王王審知契丹耶律安巴堅

解題曰歐陽修職方考曰唐之盛時雖名天下為十  
道而其勢未分既其衰也置軍節度號為方鎮鎮之  
大者連州十餘小者猶兼三四故其兵驕則逐帥帥  
彊則叛上土地為其世有干戈起而相侵天下之勢

自茲而分自僖昭以來日益割裂梁初天下別為十  
南有吳浙荆湖閩漢西有岐蜀北有燕晉而朱氏所  
有七十八州以為梁莊宗初起并代取幽滄有州三  
十五其後又取梁魏博等十有六州合五十州以滅  
梁岐王稱臣又得其州七同光破蜀已而復失惟得  
秦鳳階成四州而營平二州陷於契丹其增置之州  
一明宗置合一百二十三州以為唐石氏入立獻十  
有六州于契丹而得蜀金州又增置之州一高祖置  
威州



合一百九州以為晉劉氏之初秦鳳階成復入于蜀

隱帝時增置之州

一解州

合一百六州以為漢郭氏代

漢十州入于劉旻世宗取秦鳳階成瀛莫及淮南十

四州又增置之州五

太宗置濟州世宗置濱雄霸通四州

而廢者三州

武州景州

合一百一十八州以為周宋興因之此其大略

也其餘外屬者彊弱相并不常其得失至於周末閩

已先亡而存者七國自江以南二十一州為南唐自

劍以南及山南西道四十六州為蜀自湖南北十州

為楚自浙東西十三州為吳越自嶺南北四十七州  
為南漢自太原以北十州為東漢而荆歸峽三州為  
南平合中國所有二百六十八州而軍不在焉

春三月梁遣將擊幽州夏四月劉守光擊却之守光因

其父仁恭自稱盧龍留後

以新唐書本紀修

壬戌梁王全忠更

名晃甲子稱皇帝戊辰改元廢唐帝為濟陰王遷之曹

州

解題曰按新史六臣傳唐哀帝遜位遷于梁遣中書

侍郎同中書門下平章事張文蔚為冊禮使禮部尚  
書蘇循為副中書侍郎同中書門下平章事楊涉為  
押傳國寶使翰林學士中書舍人張策為副御史大  
夫薛貽矩為押金寶使尚書左丞趙光逢為副甲子  
文蔚等自上源驛乘輅車導以金吾仗衛太常鹵簿  
朝梁于金祥殿五代會要東都大內內殿王袞冕南面臣文蔚臣  
循奉冊升殿進讀已臣涉臣策奉傳國璽臣貽矩臣  
光逢奉金寶以次升殿進讀已降率文武百官北面

舞蹈再拜賀嗚呼唐之亡也賢人君子既與之共盡其餘在者皆庸懦不肖傾險獷猾趨利賣國之徒也不然安能蒙恥忍辱於梁庭如此哉餘見通鑑

以汴州為開封府曰東都以故東都為西都廢京兆府

為雍州

以呂祖謙  
標目修

解題曰吳縝五代史纂誤案職方考梁初改京兆府曰大安佑國軍曰永平殊無以京兆為雍州之事與紀不同今按職方考有雍州范質五代通錄亦云廢

京兆府為雍州非誤也

辛未梁以馬殷為楚王

朱熹綱目

梁追尊高祖考妣已來為

帝后

以通鑑修

梁作建昌院掌金穀

以通鑑修

解題曰葉夢得曰宋之大內梁建昌宮本唐宣武節

度治所晉號大寧宮今新城是也周世宗始展外羅

城

晉岐淮南蜀用唐年號餘皆臣於梁

以通鑑修

岐王茂貞開

府

以通鑑修

五月丁丑朔梁以張文蔚楊涉為門下侍郎御

史大夫薛貽矩為中書侍郎同平章事

以新紀通鑑脩

契丹主

安巴堅遣使聘梁梁報之

以新紀通鑑脩

己卯梁以吳王鏐為

吳越王劉隱為大彭王癸未以權知荆南留後高季興

為節度使

以通鑑修

壬辰梁遣保平節度使康懷貞會魏博

攻晉潞州

以通鑑修

甲午廢樞密院入崇政院知院事敬翔

為使

以呂祖謙標目修

弘農王渥遣兵攻楚六月楚大敗之拔

岳州

以通鑑修

晉王克用遣蕃漢都指揮使周德威等救潞

州

以呂祖謙標目修

甲寅梁平盧節度使韓建為司徒同平章

事

以新紀通鑑修

秋七月甲午梁以劉守光為節度使

以通鑑修

解題曰於是知梁有子禍矣

八月丁巳梁遣亳州刺史李思安為潞州行營都統

以通

鑑修九月己亥蜀王建稱皇帝

以呂祖謙標目修

冬十一月戊子

劉守文降于梁

以通鑑修

梁太祖皇帝開平二年

唐莊宗皇帝李存勗岐王李茂貞淮南楊隆演並天祐五年蜀高祖皇帝武成元

年吳越王錢鏐天寶元年南平王高季興嶺南劉隱

楚王馬殷閩王王審知

春正月壬

午蜀王建改元

以通鑑修

解題曰宋庠紀年通譜武成本周明帝李希烈年號

辛卯晉王克用薨子存勗嗣位二月壬戌誅其振武節

度使李克寧

以呂祖謙  
標目修

癸亥梁弒濟陰王追謚曰唐哀

皇帝

以呂祖謙  
標目修

三月壬申朔梁主如澤州壬午以匡國

節度使劉知俊為潞州招討使

以新紀  
通鑑修

蜀主建殺其養

子太師王宗佖

以通  
鑑修

夏四月壬子梁主至自澤州

以新  
紀修

五月壬申晉王存勗大破康懷貞于夾寨歸命州縣舉

賢才黜貪殘寬租賦撫孤窮伸冤濫禁姦盜練士卒

以呂



祖謙標  
目修

解題曰此晉王之初政也及志得之後則非復前日

矣事見通鑑

胡寅曰喪不二事故春秋於背喪而即戎者皆深譏之惟其門庭之寇存亡係

焉然後從權制而無避此費誓所以得列于典謨命誥之後也若李存勗夾寨之戰君子深有取者蓋以梁師距晉陽百餘里可謂危急之勢矣使存勗執哀戚之常情忽國家之大計上黨淪陷則晉陽不存又豈所以為孝是審緩急量輕重出奇制勝以走梁師然後霸基成矣

晉王存勗承制封拜

以通鑑修

戊寅淮南左右牙指揮使張

顥徐溫弑弘農王渥其弟隆演立丁亥溫殺顥專軍府

事

以呂祖謙  
標目修

戊戌梁立唐三廟

以新紀修

楚王殷取朗州永

貞節度使雷彥恭奔淮南殷陷澧州

以呂祖謙  
標目脩

蜀岐晉

攻梁雍州六月壬寅梁遣劉知俊拒之

以新紀  
通鑑脩

己酉梁

族誅金吾衛上將軍王師範

以新紀  
通鑑脩

丙辰梁劉知俊大

破岐兵于幕谷晉蜀兵還

以通鑑脩

蜀立遂王元膺為太子

以通鑑脩

秋七月壬辰梁封王審知為琅琊王

以十國  
紀年脩

李儼

承制以楊隆演為淮南節度使東面都統弘農王

以通鑑脩

九月淮南將周本圍蘇州

以通鑑脩

晉攻梁晉州丁丑梁主

如陝州以救之晉師退

鑑以通修

冬十月華原賊溫韜發唐

諸陵

鑑以通修

丁巳梁主至自陝州

鑑以通修

十一月梁定難節

度使李思諫卒其子彝昌自為留後

鑑以通修

吳越改元

王以

厚之金  
石錄脩

解題曰按臨安府崇化寺尊勝幢云天寶四年歲次

辛未又明慶寺白傘蓋陀羅尼幢云天寶五年太歲

壬申吳越國女弟子建其發願文序曰生忝霸朝則

非唐天寶明矣蓋梁以丁卯篡唐吳越猶用天祐年

號次年則自建元矣癸酉歲後復用梁紀元故錢塘湖龍王廟碑云貞明二年建登聖寺磨崖龍德元年

建

梁太祖皇帝開平三年唐莊宗皇帝岐王李茂貞淮南楊隆演並天祐六年蜀高祖皇帝武成二年吳

越王錢鏐天寶二年楚王馬殷南平王高季興南平王劉隱閩王王審知春正月甲戌

梁遷于西都以呂祖謙標目修二月丁酉朔日有食之通鑑三

月甲戌梁主如河中以新紀通鑑脩

解題曰徐無黨曰以高萬興降劉知俊兵攻鄜延故

也

淮南徐溫以其養子知誥治昇州

以通鑑脩

夏四月庚子梁

以王審知為閩王劉隱為南平王

以通鑑脩

辛亥吳越大破

周本走之

以通鑑脩

五月己卯梁主至自河中

以新紀脩

劉守文

以契丹吐谷渾兵攻劉守光見執

以通鑑脩

梁族誅佑國節

度使王重師六月劉知俊執佑國節度使劉捍降于岐

以呂祖謙標目脩

解題曰改佑國曰永平由劉捍之執也

庚戌梁遣兵討劉知俊辛亥梁主如陝州乙卯知俊奔

岐

以呂祖謙  
標目脩

撫州刺史危全諷攻洪州淮南遣周本救

之

以通鑑脩

秋七月甲子梁以劉守光為燕王

以通鑑脩

乙亥梁

主至自陝州

以新紀脩

庚辰周本大敗危全諷于象牙潭擒

之盡取江西

以通鑑脩

解題曰王顏後唐烈祖開基志注象牙潭去洪州百

餘里

八月晉攻梁晉州弗克

以通鑑脩

冬十一月岐遣中書令劉

知俊攻梁靈州梁攻岐邠寧以救之十二月知俊大敗

之於昇平

以新紀  
通鑑脩

解題曰今坊州宜君縣有昇平鎮即故縣

梁太祖皇帝開平四年

唐莊宗皇帝岐王李茂貞吳

王楊隆演並天祐七年

蜀高祖皇帝武成三年吳

越王錢鏐

天寶三年

楚王馬殷

南平

春二月岐王

王高季興

南平王劉隱

閩王王審知

茂貞承制加弘農王隆演吳王

以通鑑脩

三月定難軍亂殺

李彝昌夏四月甲子梁以其族父仁福為節度使

以通鑑脩

五月癸丑鄴王紹威卒梁以其子周翰為天雄留後

以通

鑑脩秋七月岐晉會邠涇兵攻梁夏州

以通鑑脩

八月梁以劉

守光兼義昌節度使

以通鑑脩

解題曰通鑑考異曰實錄是歲五月以義昌留後劉繼威為義昌節度使八月又云以守光兼義昌節度使不言置繼威於何地或者復為留後不然守光兼幽滄節度使繼威但為滄州節度使皆不可知今兩存之

丙寅梁主如陝州辛未以鎮國節度使楊師厚為招討



使救夏州

以新紀脩

解題曰按舊史唐紀鳳翔李茂貞邠州楊崇本皆遣

使來會兵同討靈夏帝令周德威將兵萬人西渡河

以應之

餘見通鑑職方考陝州唐曰保義梁改鎮國後唐復保義

吳越築捍海石塘廣杭州城

朱熹綱目

九月甲午梁主至自

陝州

以新紀脩

冬十一月己丑梁以寧國節度使王景仁為

招討使屯魏州襲據趙深冀二州晉遣周德威救趙

以新

紀通鑑脩

解題曰燕不救趙而晉救之則守光存勗所存較然

可知矣事見通鑑

寧國宣州也時屬楊隆演

十二月蜀改明年元

以通鑑脩

解題曰宋庠紀年通譜永平本漢明帝晉惠帝魏宣

武李密年號

晉王存勗救趙義武王處直會之

以通鑑脩

梁太祖皇帝乾化元年

唐莊宗皇帝岐王李茂貞吳王楊隆演並天祐八年

蜀高祖皇帝永平元年

越王錢鏐天寶四年

楚王馬殷

南平王高

季興南漢高祖皇帝劉龔閩王王審知春正月

丙戌朔日有食之

通鑑

丁亥晉王存勗大破王景仁於

柏鄉癸巳梁以楊師厚為北面招討使己亥晉遣兵攻

邢州二月己未存勗攻魏州不克而還

以通鑑脩

二月乙酉

朔梁以羅周翰為節度使

以通鑑脩

丁亥南平王隱卒其弟

巖立

以路振九國志脩

解題曰僭偽諸國若奉正朔臣事於人則書卒不然

則書薨

蜀伐岐岐攻梁長安尋退

以通鑑脩

夏四月岐攻興元蜀擊

却之

以朱熹綱目脩

五月甲申朔梁改元

以新紀脩

解題曰通鑑不書闕也

甲辰梁以劉巖為清海節度使

以通鑑脩

蜀主建如利州

以通

鑑脩

秋八月甲子燕王守光稱帝改元

以呂祖謙標目脩

解題曰宋庠紀年通譜應天本朱泚年號

乙亥岐大敗蜀兵於清泥嶺圍安遠軍

以通鑑脩

九月庚子

梁主如魏州

以新紀脩

蜀大破岐兵於安遠軍

以通鑑脩

戊申燕

攻易定十二月甲子晉攻燕以救易定

以通鑑脩

劉巖取楚

容高二州

以呂祖謙  
標目脩

梁太祖皇帝乾化二年

唐莊宗皇帝岐王李茂貞

吳王楊隆演並天祐九年

蜀高祖皇帝永平二年

吳越王錢鏐天寶五年

楚王馬殷

南平

王高季興

南漢高祖皇帝

閩王王審知

春二月甲

子梁主如魏州以救鎮定

以通鑑脩

夏四月梁主至東都

以新

紀通鑑脩

五月梁主如西都

以新紀脩

晉敗燕兵于龍頭岡

以通鑑脩

六月戊寅梁郢王友珪弑其父晃歸罪於養子博王友

文而殺之自即帝位

以新紀通鑑脩

解題曰歐陽修曰梁之惡極矣自其起盜賊至于亡

唐其遺毒流於天下豪傑四面並起孰不欲搃刃於  
胷然卒不能少挫其鋒以得志梁之無敵於天下可  
謂虎狼之強矣及其敗也因於一二女子之娛至於  
洞胷流腸剖若羊豕禍生父子之間乃知女色之能  
敗人矣事見通鑑

丙申梁匡國軍亂殺節度使韓建

以通鑑  
列傳脩

解題曰按自開平二年以同州匡國軍為忠武許州  
忠武軍為匡國通鑑綱目是年以許州為忠武當別

有所據

梁宣義節度使楊師厚屯魏州秋七月逼羅周翰而代

之徙周翰為宣義節度使

以通鑑脩

解題曰羅弘信以唐文德元年為魏博節度使傳三

世二十四年至周翰而為楊師厚所逐

滑州故曰義成以避梁諱

改宣義唐復故

甲子梁以均王友貞為東都留守

以通鑑脩

丙寅梁廢建昌

宮使置國計使

以通鑑脩

解題曰按舊史本紀應諸道茶鹽酒麴商稅悉還州

郡

八月戊戌梁攻護國節度使冀王友謙友謙降晉

以通鑑脩

九月庚午梁以敬翔為中書侍郎同平章事壬申戶部

尚書李振充崇政院使

以新紀脩

冬十月晉王存勗救朱友

謙梁兵退

以通鑑脩

十一月梁楊師厚破趙兵

以通鑑脩

梁均王朱瑱乾化三年

唐莊宗皇帝岐王李茂貞吳

王楊隆演並天祐十年

蜀高祖皇帝永平三年 楚

王馬殷

南平王高季興

吳越王錢

春正月丁巳晉

鏐南漢高祖皇帝

閩王王審知



拔燕順州

以通鑑脩

甲子梁改元鳳歷

以新紀脩

二月戊子梁均

王友貞舉兵討亂庚寅友珪伏誅友貞即皇帝位於東

都更名鎰復稱乾化三年追廢友珪為庶人

以呂祖謙標目脩

解題曰舊史帝遇弑之際馮延諤親犯御幄而友珪

復死於延諤之手天之報應可知事見通鑑

三月冀王友謙復歸梁

以通鑑脩

夏五月梁楊師厚攻趙以

救燕晉分兵拒之

以通鑑脩

六月丙子蜀以道士杜光庭為

諫議大夫議政事

以通鑑脩

秋七月己酉蜀殺其太子元膺

以通鑑脩梁封高季昌渤海王劉巖南海王以通鑑新史世家脩

解題曰按世家末帝即位悉以隱官爵授巖襲封南海王通鑑不載今因封高季興并書之

冬十月甲子蜀立子衍為太子

呂祖謙標目

燕盧龍巡屬皆

入于晉請救于契丹弗許燕王守光請降于晉十一月

晉王存勗詣幽州不克成進攻克幽州執守光父子以通

鑑脩梁遣王景仁為淮南招討使侵廬壽十二月吳鎮海

節度使徐溫大敗之於霍邱

以通鑑脩

晉以周德威為盧龍

節度使

以通鑑脩

梁均王乾化四年唐莊宗皇帝岐王李茂貞吳王楊隆演並天祐十一年蜀高祖皇帝永平四年楚王

馬殷南平王高季興吳越王錢春正月晉王存勗

殺劉守光用其父仁恭子雁門

以新紀脩

晉王存勗開府置

行臺

以通鑑脩

秋七月晉趙攻邢州梁楊師厚拒却之

以通鑑脩

解題曰按唐新舊史紀傳梁傳范質通錄唐天祐三

年李克用

本文作武皇

遣周德威李嗣昭以嗣昭為留後

四年五月太祖命康懷英率兵十萬圍潞州懷英築

壘環城浚鑿池塹飛走路絕克用遣德威將兵赴援  
首鋒挑戰日有俘獲懷英不敢戰太祖乃以李思安  
代之思安引軍將營於潞州德威以五千騎搏之梁  
軍大敗思安退保堅壁別築外壘謂之夾寨梁發山  
東之民供饋運德威日以輕騎掩之思安乃自東南  
山口築夾道連接夾寨以通饋運六年正月克用卒  
子存勗立太祖遣人招降嗣昭嗣昭斬其使者德威  
尚在亂柳唐潞州銅鞮縣  
今為威勝軍思安屢為所敗閉壁不出

三月梁祖自將兵至澤州以劉知俊為招討使代思

安存勗

本文作帝

新立殺其叔父克寧國中未靖而晉之

重兵悉屬德威于外晉人皆恐存勗使人以喪及克  
寧之難告且召其軍德威聞命即日還太原留其兵  
城外徒步而入伏哭幾絕羣情釋然汴人以為潞州  
必取遂停斥候梁祖亦歸洛陽存勗謂諸將曰晉之  
所以能敵梁而彼所憚者先王也今聞吾王之喪謂  
我新立未能出兵其意必怠若簡練兵甲倍道兼行

出其不意以擊之非徒解圍亦足以定霸乃與德威等疾馳六日至北黃碾距潞四十五里五月朔天大昏霧伏兵三垂崗下

在潞城縣西  
南三十七里

詰旦復昏霧直趨

夾城時李嗣源總帳下親軍攻東北隅李存璋王霸率丁夫燒寨斲夾城為二道周德威李存審各分道進攻軍士鼓譟三道齊進嗣源率先掩擊梁軍大恐投戈委甲俘馘萬級獲其副招討符道昭及大將三百人芻粟百萬懷英以百騎遁歸克用臨終謂存勗

曰梁軍圍潞而德威與嗣昭有隙以吾命諭之若不  
解重圍歿有遺恨存勗遣達於德威德威感泣竟破  
強敵與嗣昭歡愛如初澤州將陷河南尹張宗奭召  
龍虎統軍牛存節謀之存節帥本軍及右神武羽林  
等軍往應接上黨回至天井關即引衆前救澤州比  
至州人已焚外城將降晉聞存節至乃稍定存節入  
城助澤人守晉人穴地道以攻之存節選勇士數十  
亦穴地以應之隧中敵不得入晉人解去存勗

本文作晉

王後倣此班師於晉陽告廟飲至賞勞有差下令國中禁

盜賊恤孤寡徵隱逸止貪暴設隄防寬獄訟期月之

間其俗丕變六月鳳翔李茂貞邠州楊崇本合王建

之師五萬攻長安遣使會兵存勗遣張承業帥師赴

之九月三鎮復大舉存勗遣嗣昭德威攻青州以應

之丁丑梁帝如陝州

本文無梁帝字後同

十月己丑赴晉州晉

軍去帝至東都七年三月楊師厚為潞州招討使六

月同州節度使劉知俊叛梁附于岐辛亥帝發西都



幸蒲坂七月邠岐及知俊告大舉以伐靈夏八月存  
勗自將至陰地關遣德威攻晉州乙亥帝至西都師  
厚領兵赴援德威收軍而退趙王王鎔祖母喪諸鎮  
皆弔梁使者見晉使在館還言趙王有二志是時魏  
博羅紹威卒梁因欲盡取河北八月帝如陝楊師厚  
為招討使以伐岐九月至自陝十月攻上黨遣杜廷  
隱監魏將夏諲以兵三千襲深冀二州鎮人懼乞師  
于晉義武王處直亦遣人至晉願絕梁以自效諸將

皆疑鎔詐未可出師存勗不聽遣德威先屯晉州十  
二月丁巳朔梁命王景仁為北面招討使韓勣為副  
李思安為前鋒將魏滑汴宋兵七萬人攻趙丁丑景

仁營于栢鄉趙人告急存勗自將兵出贊皇今慶源府縣

處直以五千從會德威于石橋贊皇縣東南槐水西澤側石如牛跡相兼

於其處作石橋又慶源府城南進距栢鄉五里營于

野河北在栢鄉西北五里北劉鎮晉兵少而景仁所

將神威龍驤拱宸等軍皆梁精兵人馬鎧甲飾以組

綉金銀其光耀日晉人望之色動德威勉其衆曰此  
汴宋傭販兒飾其外耳其中不足懼也其一甲直數  
十千適足為吾資當勉之退而告晉王曰梁兵甚銳  
未可與爭宜少退以待之王曰吾提孤軍出千里其  
利速戰今不乘勢急擊之使敵知吾之衆寡則吾無  
所施矣德威曰不然趙人能城守而不能野戰吾之  
取勝利在騎兵平川廣野騎之所長今軍於河上迫  
賊營門非用長之地也王不悅退卧帳中諸將無敢

人見德威謂張承業曰王怒老兵不速戰者非怯也

且吾兵少而臨賊營門所恃者一水隔耳使梁得舟

棧渡河吾無類矣不如退軍鄆邑

即高邑今慶源府縣在州西南四十

里三誘敵出營擾而勞之可以策勝也承業入言曰德

威老將知兵願無忽其言王遽起曰吾方思之已而

德威獲梁游兵問景仁何為曰治舟數百將以為浮

梁德威引與俱見王笑曰果如公所料乃退軍鄆邑

八年正月丁亥德威晨遣三百騎叩梁營挑戰自以

勁兵三千繼之景仁怒悉其軍與德威戰至于鄆南  
梁軍為方陣分其兵為二汴宋軍居左魏滑軍居右  
王策馬登高望曰平原淺草可前可却真吾之勝地  
使告德威曰吾當為公先公可繼進德威曰梁軍輕  
出而遠來與吾轉戰其來必不暇齎糧縱其能齎亦  
不暇食不及日午人馬俱饑因其將退而擊之勝諸  
將亦以為然德威擊其左史建瑋擊其右至未申時  
梁軍東偏塵起德威鼓譟而進麾其西偏曰魏滑軍

走矣又麾其東偏曰梁軍走矣梁陣動不可復整乃  
皆走遂大敗自鄆追至栢鄉橫屍數十里景仁韓勅  
李思安等以數十騎夜遁是役也斬首二萬級獲馬  
三千匹鎧甲兵仗七萬擒將二百八十五人自梁與  
晉爭凡數十戰其大敗未嘗如此梁人棄深趙二州  
而遁癸巳梁以楊師厚為北面招討使己亥晉王本  
無王遣建瑋德威徇地邢魏王至洺州張承業李存  
字璋以步兵攻邢州德威建瑋將三千騎長驅至澶魏

王與嗣源率親軍繼進二月戊午德威進至臨河

魏州

縣本漢黎陽縣地

已未魏羅周翰出兵塞石灰窰口

按唐史地理志

魏州貴鄉縣西渠徙永濟渠自石灰窰引流注魏橋石灰窰即石灰窰也

德威以騎掩擊

周翰閉壁自守王攻之城幾陷乙丑德威自臨清

貝州

縣東北至州六十里

徇地貝郡

貝州今為恩州至魏州二百七十五里

攻博州

至貝

州百八十里

下東武朝城

李吉甫元和郡縣志魏州朝城縣本漢東武陽郡後為縣唐改

朝城至州一百里

澶州刺史張可臻棄城遁遂擊黎陽

衛州縣至

州一百二十里臨河淇門

衛州汲縣淇門鎮

庚午梁帝聞晉將攻河

陽率親軍屯白馬陂

水經沁水東過周縣北注白馬溝水注之水首受白馬湖一名

朱管陂

燕劉守光聞晉攻梁深入乃大治兵聲言助晉

晉王乃令嗣昭掠相衛而還乙未至晉陽六月梁遣

楊師厚將兵三萬屯邢州七月王會趙王于承天軍

八月守光稱帝九月庚子梁帝自洛渡河至相州聞

晉軍未出乃止十一月燕侵易定王處直來告難十

二月遣德威將三萬人會鎮定之兵以攻燕入祁溝

關

元和郡縣志涿州范陽縣涿水源出西南岐溝東大坎下武經總要東北至涿州四十里西北至易



州六守光求救於梁九年二月梁帝大舉河南之衆

以援守光遣李周彝攻棗强

冀州縣去州五十五里

賀德倫攻

脩縣

冀州縣去州百五十里

三月帝自督軍攻棗强甲申屠之

時晉精兵皆北攻燕獨符存審史建瑋以三千騎屯

趙州相與謀曰梁軍若下脩城必西攻深冀吾王方

北伐以南鄙之事付我輩豈可坐觀其弊乃以八百

騎趨下博橋建瑋分其麾下五百騎為五隊一之衡

水

今冀州縣

一之南宮

今冀州縣

一之信都

今冀州所治縣

一之阜城

冀州縣宋改隸永靜軍

而自將其一約各取梁芻牧者十人會

下博至暮擒梁兵數十皆殺之各留其一人縱使去告之曰晉王大軍且大至明日建塘率百騎為梁旗雜其芻牧者暮叩梁營殺其守門卒縱火大呼斬擊數十百人而梁芻牧者所出各遇晉兵有所亡失其縱而不殺者歸而皆言晉軍且至梁帝夜拔營去薊縣人追擊之梁軍棄其輜重鎧甲不可勝計帝方病由是增劇丁亥疾驅而還四月己巳至東京戊寅如

西都五月己卯朔周德威大破燕軍自涿州進兵于幽州六月戊寅梁帝為其子友珪所殺以楊師厚為魏博節度使未幾鎮人晉人侵魏北鄙師厚率軍至唐店斬首五千級八月朱友謙以河中叛梁附于晉梁遣韓勅康懷英擊友謙十月癸未晉王出澤潞以救之遇懷英于解縣今解州縣大敗之追至白逕嶺在虞鄉縣東五里懷英又敗十年一月朱友珪為其將袁象先所殺均王友貞即位友謙復臣於梁而亦不絕晉晉軍

盡下燕諸縣劉守光被圍經年累戰常敗晉王如幽  
州十一月攻破之十一年正月壬子至晉陽是月趙  
王王鎔北平王王處直奉冊推晉王為尚書令始建  
行臺七月晉王東下會鎮人進軍邢洺戰于張公橋  
晉軍大敗八月還晉陽此莊宗未取魏博之前與梁  
相攻本末也

八月梁武寧節度使蔣殷叛附于吳九月命天平節度  
使牛存節等討之

以新紀脩

冬十一月南詔寇蜀十二月蜀

大敗之

以通鑑脩

岐靜難節度使楊崇本為其子彥魯所弑

彥魯自稱留後

以通鑑脩

梁均王貞明元年唐莊宗皇帝岐王李茂貞吳王楊隆演並天祐十二年蜀高祖皇帝永平五年楚王

馬殷

南平王高季興

吳越王錢

春二月梁蔣殷自

焚死

以新紀通鑑脩

三月梁天雄節度使楊師厚卒以平盧節

度使賀德倫代之分相澶衛三州為昭德軍以宣徽使

張筠為節度使遣鎮南節度使劉鄩將兵脅之軍亂夏

四月劫德倫以附晉

以呂祖謙標目脩

岐楊崇本之養子李保

衡殺楊彥魯自稱留後降于梁

以呂祖謙  
標目脩

吳徐溫以其

子知訓為淮南行軍副使

以通鑑脩

六月晉王存勗兼領天

雄節度使以孔目吏孔謙為支度務使襲取梁德州

解題曰自是晉以魏州為根本矣

秋七月梁劉鄩襲晉晉陽不至還守莘縣

以通鑑脩

八月晉

圍梁貝州蜀攻岐

以通鑑脩

庚戌吳徐溫守潤州以知訓秉

政

以通鑑脩

冬十月辛亥梁康王友敬作亂伏誅

以新紀脩

十一

月乙丑梁改元

新紀

解題曰宋庠紀年通譜即位三年始改元夫踰年之  
規天下之達禮况繼故誅亂自當新正朔以隆王祚  
而三年無改可謂失其旨

蜀取岐階成秦鳳四州劉知俊奔蜀

以呂祖謙  
標目脩

解題曰按新史列傳茂貞拜武定軍節度使徙山南

西道節度使初取興元邠寧鄜坊皆附之有地二十

州

徐無黨曰岐隴涇原渭武秦成階  
鳳邠寧慶衍鄜坊丹延梁洋也

其被梁圍也興

元入于蜀開平已後邠寧鄜坊入于梁秦鳳階成入

于蜀當梁末年所有七州而已

十二月岐義勝節度使溫韜降于梁

以新紀通鑑脩

解題曰按職方考李茂貞建耀州置義勝軍梁改為

崇州曰靜勝後唐復耀州曰順義

丁未蜀改明年元

以通鑑脩

解題曰宋庠紀年通譜通正蓋取四時和為通正之

義

梁主鋹更名瑱

以舊五代史脩



梁均王貞明二年 唐莊宗皇帝岐王李茂貞吳王楊隆演並天祐十三年 蜀高祖皇帝通正元年 楚王

馬殷 南平王高季興 吳越王錢鏐 南漢高祖皇帝 閩王王審知 契丹高祖皇帝耶律安巴堅神冊

元春二月梁劉鄩襲晉魏州大敗于故元城

以新紀通鑑脩

解題曰漢元城縣屬魏郡今大名元城縣有故城

梁匡國節度使王檀襲晉晉陽不克

以呂祖謙標目脩

三月晉

取梁衛磁二州夏四月取洺州

以通鑑脩

秋八月蜀伐岐

以通

脩鑑

晉取梁相邢二州

朱熹綱目

契丹陷晉蔚州

以通鑑脩

解題曰通鑑考異曰開元中振武軍在朔州西北單

于都護府城內隸朔方節度使乾元元年置振武節  
度使領鎮北大都護麟勝二州後唐振武節度帶安  
北都護麟勝二州等使以後皆帶朔州刺史據此虜  
振武節度使李嗣本乃治蔚州不知遷徙年月

九月晉王存勗還晉陽

以通鑑脩

晉取梁滄貝二州晉王存

勗如魏州

以呂祖謙標目脩

冬十一月吳伐梁以應晉

以通鑑脩

十

二月戊申蜀改明年元國號漢

以呂祖謙標目脩

解題曰宋庠紀年通譜天漢本漢武帝年號

是歲契丹稱帝改元

以通鑑脩

梁均王貞明三年

唐莊宗皇帝岐王李茂貞吳王楊

隆演並天祐十四年

蜀高祖皇帝天漢元年南漢

高祖皇帝乾亨元年

楚王馬殷

南平

春二月晉新

王高季興

吳越王錢鏐

閩王王審知

州將盧文進殺防禦使李存矩奔契丹

解題曰按輿地廣記新州唐末置唐明宗實錄莊宗

未即位文進王郁繼入胡皆驅率幽薊數州士女為

虜南藩教其織紵工作中國所為虜中悉備契丹所

以強盛侵凌中國者以得文進郁之故也同光之世

為患尤深文進在平州安帳率翼勁騎倏來忽往幽  
薊荆榛滿目寂無人烟餘見通鑑

三月陷新州晉遣周德威攻之敗走契丹圍幽州夏四

月晉遣安國節度使李嗣源救之

以朱熹綱目脩

解題曰通鑑考異五代會要舊史地理志樂史寰宇  
記皆云梁建保義軍唐同光元年改為安國軍而唐  
莊宗明宗實錄列傳舊史存審傳皆云天祐十三年  
授安國軍節度使恐才屬晉即改軍額不待同光也

會要等書誤爾

五月吳徐溫徙昇州以徐誥為潤州團練使以通鑑脩秋八

月癸巳南海王巖稱越帝改元以呂祖謙標目脩庚子晉李嗣

源大敗契丹幽州圍解以呂祖謙標目脩冬十月晉王存勗還

晉陽十一月如魏州以通鑑脩十二月辛亥蜀殺都招討使

劉知俊以朱熹綱目脩癸丑蜀改明年元以通鑑脩丁卯梁以龍虎

統軍賀環為北面招討使以新紀脩晉王存勗渡河取梁楊

劉以呂祖謙標目脩

解題曰竇革曰楊劉唐時大河渡口也今在東阿東

北古堤上

己巳梁主如洛陽郊

紀以新脩

梁均王貞明四年唐莊宗皇帝岐王李茂貞吳王楊隆演並天祐十五年蜀王衍光天元年南漢高祖皇帝

乾亨二年楚王馬殷南平王高季興吳越王錢鏐閩王王審知春正月乙亥朔蜀

復國號蜀

以呂祖謙標目脩

梁不克郊己卯梁主至自西都

以新

紀夏五月蜀以宣徽使宋光嗣為樞密使自是宦者始

用事六月壬寅蜀主建薨癸卯子衍即帝位改元

以呂祖謙

脩標目

解題曰按孫光憲北夢瑣言蜀先主以雅王肖已將  
立之為張妃所訴且止徐妃外結宰相希立已子衍  
既立終非先主素心一旦自夾城過聞諸子諠譟鬪  
雞築毬大怒于時太子在焉吁嗟曰我今日騎虎不  
得下此豚犬輩將來如何自此常有廢立之意唐宸  
為東宮使與徐妃張格陰謀進雞燒餅而殂本文作崩疾  
困大臣魏弘夫等請誅宸允之乃曰徐氏昆弟勿與

兵權許存者如不能控御即殺之侯宗徹趙宗勉莫遣戍邊長吁而瞑

吳靜淮節度使朱瑾殺徐知訓而自殺

以通鑑脩

甲子晉王

存勗大敗梁兵於河上

以通鑑脩

秋七月戊戌吳以徐誥為

淮南節度使秉政

以通鑑脩

八月己酉梁泰寧節度使張萬

進叛附于晉

以通鑑脩

冬十一月越改號漢

呂祖謙標目

吳取楚

虔州

以通鑑脩

十二月辛酉蜀改明年元

以通鑑脩

解題曰宋庠紀年通譜乾德本輔公祐年號



壬戌梁賀環與晉王存勗戰于胡柳周德威死之存勗

復敗環等甲子取濮陽

以通鑑脩

解題曰按後唐實錄胡柳之戰兩軍俱撓李嗣源日  
夕不知所向泣曰吾兵安歸萬一參差家國何寄濟  
河欲保安陽俄聞莊宗大軍復集從珂衛莊宗奪晚  
陣既旋旆濮陽莊宗以嗣源北渡不悅曰公謂吾死  
耶渡河安往嗣源待罪曰晡暝渡河冀全餘衆莊宗  
以其子立功賜大鍾酒以罰之自是寵待元行欽於

嗣源稍薄賴從珂先登陷陣小足解慍餘見通鑑

通鑑

考異胡柳在濮州濮陽縣東

梁均王貞明五年唐莊宗皇帝岐王李茂貞並天祐

十六年吳王楊隆演武義元年蜀帝王衍乾德元

年南漢高祖皇帝乾亨三年楚王馬殷春正月

南平王高季興吳越王錢鏐閩王王審知

晉纂德勝南北城於河上

以呂祖謙標目脩

解題曰王容曰此後晉天福三年從澶州跨德勝津

則德勝渡屬今之開德府也

晉王存勗兼盧龍節度使以知嵐州孟知祥為河東魏

博中門使教練使郭崇韜為副使

以呂祖謙標目脩

夏四月戊

戌朔吳王隆演即吳國王位改元以徐溫為大丞相都

督中外軍事徐誥為左僕射叅政事

以通鑑新史列傳脩

吳越擊

吳破之狼山

以朱熹綱目脩

梁賀瓌攻晉德勝南城弗克

以通鑑脩

秋七月吳越攻吳常州大敗而還

以通鑑脩

晉王存勗還晉

陽以巡官馮道為掌書記

以通鑑脩

八月乙未朔梁賀瓌卒

以開封尹王瓚為北面招討使

以通鑑新紀脩

冬十月晉王存

勗如魏州

以通鑑脩

梁兗州安撫制置使劉鄩克兗州族誅

張萬進

以新紀  
通鑑脩

十二月晉敗梁兵復取濮陽

以唐實  
錄脩

解題曰通鑑考異曰莊宗實錄去年十二月已拔濮

陽至此又云攻下濮陽舊史梁紀去年十二月晉人

攻濮陽陷之今年十二月又云晉人陷濮陽唐紀去

冬拔濮陽今年四月追襲賀瓌至濮陽無下濮陽事

非實錄梁紀重複則是去冬唐雖得濮陽棄不守今

冬復拔之也

時契丹陷唐營州

以秦再思洛  
中紀異脩

解題曰按秦再思洛中紀異盧文進投契丹說按巴  
堅徵諸路甲馬寇幽州設圍攻之莊宗召募救之契  
丹退以趙思溫為營州團練使北面沿邊巡檢都指  
揮使末期契丹圍營州踰年朝廷未暇救糧草俱盡  
兵刃亦無思溫欲自殺左右諫止安巴堅誓不殺乃  
南拜遥辭而倒戈餘見天成三年陷平州解題

梁均王貞明六年 唐莊宗皇帝岐王李茂貞並天祐  
十七年 吳王楊隆演武義二年 蜀帝王衍乾德二

年 南漢高祖皇帝乾亨四年 楚王馬殷  
南平王高季興 吳越王錢鏐 閩王王審知 夏四月

梁冀王友謙襲遂忠武節度使程全暉附于晉

以新紀脩五

月己丑吳王隆演薨六月其弟溥立

以呂祖謙標目脩

解題曰按路振九國志隆演

本文作渭

嗣位政在徐氏恭

已而已李球馬謙朱瑾等皆欲挾王以除執政隆演

終無異辭餘見通鑑

梁以泰寧節度使劉鄩為招討使攻同州秋七月晉遣

兵救之

以通鑑脩

八月蜀主衍北巡

以通鑑脩

九月梁劉鄩敗還

以通鑑脩

冬十一月戊子朔蜀伐岐尋退

以通鑑脩

十二月梁以

天平節度使霍彥威為北面招討使

以新舊紀脩

解題曰按通鑑貞明五年八月賀瓌卒以開封尹王  
瓚為北面招討使十二月召瓚還天平節度使戴思  
遠代為招討使新紀八月瓚為招討使十二月天平  
節度使霍彥威為招討使又二年始以天平節度使  
戴思遠為招討使又列傳云瓚與晉相持經年大小  
百餘戰若瓚以八月為招討使十二月還則不得為  
經年又云瓚無功末帝遣戴思遠代瓚則不得為霍

彥威此通鑑所以削去彥威一節也然舊史本紀龍  
德元年五月丁亥詔行營將士賞賚宜令招討使霍  
彥威副招討使王彥章曉示諸軍舊傳云彥威移鎮  
鄆州兼北面行營招討總大軍於河上新傳亦云彥  
威為招討使與晉軍相持河上則盡沒其實不可也  
但月日不可考今載之於龍德元年以前

梁均王龍德元年唐莊宗皇帝岐王李茂貞並天祐  
十八年吳睿帝楊溥順義元年蜀帝王衍乾德三  
年南漢高祖皇帝乾亨五年楚王馬殷  
南平王高季興吳越王錢鏐閩王王審知春正月



甲午蜀主衍還成都

以通鑑脩

魏州人獻唐受命寶于晉

以新

紀脩

蜀吳勸晉王存勗稱帝張承業諫之

以呂祖謙標目脩

二月

吳改元

以新紀通鑑脩

趙將張文禮殺其主王鎔滅其族自為

留後

以呂祖謙標目脩

解題曰王廷湊以長慶元年為留後傳五世一百年

三月梁陳州刺史惠王友能反

以新紀脩

夏五月丙戌朔梁

改元

以新紀脩

梁殺劉鄩

以呂祖謙標目脩

六月乙卯朔日有食之

通鑑

秋七月赦梁惠王友能降封房陵侯

以新紀脩

梁以天

平節度使戴思遠為北面招討使

以新紀傳脩

八月晉討張

文禮文禮死其子處瑾拒守

以呂祖謙標目脩

冬十月晉王存

勗敗戴思遠于戚城

以新紀通鑑脩

王處直為其養子王都所

囚都自稱義武留後處直尋以憂死

以呂祖謙標目脩

十一月

晉王存勗討鎮州

以朱熹綱目脩

十二月辛未契丹攻幽州陷

涿州進寇定州晉王存勗救之

以通鑑脩

梁均王龍德二年

唐莊宗皇帝岐王李茂貞並天祐十九年

吳睿帝順義二年

蜀帝王衍乾德四年

南漢高祖皇帝乾亨六年

楚王馬殷

南平王高季興

吳越王錢鏐

閩王王審知契丹天贊元年

春正月戊戌晉王存勗大破契丹於望都走之

以通鑑脩

解題曰望都中山府縣在東北六十里

梁戴思遠襲德勝北城二月晉王存勗救之思遠還

以通

鑑脩

秋八月梁取晉衛州又克淇門共城新鄉

以新紀脩

解題曰衛州共城縣去州五十五里新鄉縣去州四

十八里

冬十月丁未晉克鎮州殺張處瑾晉王存勗兼領成德

節度使

以呂祖謙標目脩

十一月戊寅晉特進張承業卒

以通鑑脩

是歲契丹改元天贊

通鑑

高麗統軍王建自稱王

以呂祖謙

脩  
標目

大事記續編卷七十一

欽定四庫全書

大事記續編卷七十二

明 王禕 撰

唐莊宗皇帝同光元年

岐王李茂貞天祐二十年

吳睿帝順義三年

蜀帝王衍乾德五年 南漢高祖

皇帝乾亨七年

楚王馬殷 南平王高季興 吳越

王錢鏐

閩王王審知 契丹太祖皇帝耶律安巴堅

天贊二年 春二月梁冊吳越王鏐為國王

以通鑑脩三月晉潞州

留後李繼韜降于梁其將裴約據澤州自守

以通鑑脩目錄

解題曰徐無黨曰唐末澤潞皆屬晉梁初已得澤州

至此又屬晉中間不見晉得澤州年月蓋舊史闕不

書五代之亂彼此得失常多類如此

夏四月晉王存勗即皇帝位國號唐改元尊母曹氏為皇太后嫡母劉氏為皇太妃行臺左丞相豆盧革為門下侍郎右丞相盧程為中書侍郎同平章事郭崇韜為樞密使天雄掌書記張憲為租庸使孔謙副之

以新紀列傳通

脩鑑

解題曰按新史列傳革雖唐名族而素不學凡除拜官吏多失其序常為尚書郎蕭希甫駁正革頗憾之

莊宗已滅梁韋乃薦韋說為相草以說能知前朝事  
故引以佐已而說亦無學術徒以流品自高是時莊  
宗內畏劉皇后外惑宦官伶人郭崇韜雖盡忠於國  
而亦無學術草說俯仰默默無所為唯諾崇韜而已  
歐陽修曰予讀梁宣底見敬翔李振為崇政院使凡  
承上之旨宣之宰相奉行之宰相有非其見時而事  
當上決者與其被旨而復請者則具記事而入因崇  
政使以聞得旨則復宣而出之是崇政使乃唐樞密

之職蓋出納之任也唐常以宦者為之而戒其禍始  
參用士人其備顧問參謀議於中則有之未始有行  
事於外也至崇韜重誨為之始復樞密之名然權侔  
於宰相矣後世因之遂分為二文事任宰相武事任  
樞密樞密之任既重而宰相自此失其職也又按新  
史列傳梁興始置租庸使領天下錢穀廢鹽鐵戶部  
度支之官莊宗滅梁因而不改事見通鑑

唐以魏州為東京太原為西京鎮州為北都

新紀  
閏四



月唐追尊曾祖以來考妣為帝后合高祖太宗懿宗昭

宗為七廟

以新紀通鑑脩

癸卯唐橫海節度使李嗣源襲取梁

鄆州以為天平節度使

以新紀通鑑脩

五月梁以宣義節度使

王彥章為北面招討使滑州兵馬留後段凝副之取德

勝南城已已進攻楊劉唐主存勗救之六月築城於馬

家口彥章攻之弗克

以通鑑脩

解題曰馬家口在博州

唐盧程罷

以新紀脩

秋八月壬申梁克澤州殺裴約

以通鑑脩

梁

決滑州河注曹濮鄆以限唐兵

以舊史紀唐紀及通鑑脩

梁王彥章

罷以段凝為招討使使王彥章屯兗鄆

以呂祖謙標目脩

九月

唐李嗣源敗王彥章於遞坊

以新紀通鑑脩

解題曰遞坊屬東平府舊史作遞公鎮

冬十月辛未朔日有食之

通鑑

壬申唐主存勗如鄆州

甲戌敗王彥章於中都彥章死之

解題曰中都東平府縣去府六十里

戊寅梁主瑱自殺己卯唐主入汴敬翔自殺壬午段凝

降丙戌族誅敬翔李振等追廢朱溫朱友貞為庶人

新以

紀通鑑脩

解題曰按新舊史紀傳實錄故時魏牙兵驕數為亂  
羅紹威盡誅之揚師厚據魏州復置牙兵二千天祐  
十二年三月師厚死租庸使趙巖與判官邵瓚議曰  
魏為唐患百有餘年先帝常切齒紹威前恭後倨今  
師厚復為陛下憂所以然者地大而兵多也陛下不  
以此時制之寧知後人不為師厚也不若分相衛為

兩鎮則無北顧之憂矣帝以為然乃分相澶衛

相州東南

至澶州一百四十五里南至衛州一百四十五里澶州西至衛州二百四十里為昭德軍以

張筠為節度使魏博貝

大名府北至博州二百十里東北至貝州二百里博州西

北至貝州一百八十里為天雄軍以賀德倫為節度使

舊史詔曰但緣

鎮定賊境最為魏博親隣其次相衛兩州皆控澤潞山口兩道並連於并晉分頭常寇於魏封既須目有枝梧未若俱分節制遣劉鄩以兵六萬渡河聲言攻鎮定王彥

章以騎兵五百入魏州屯金波亭以虞變分魏牙兵之半入昭德租庸使遣孔目吏閱魏兵籍檢校府庫

德倫促牙兵上道牙兵親戚相訣別哭聲盈路有效  
節軍將張彥者最為粗暴膽氣服人謀於其衆曰朝  
廷以我軍府強盛設法殘破之況我六州舊為藩府  
未嘗遠出河門一旦離親戚去鄉里生不如死二十  
九夜攻金波亭彥章走出遲明魏兵攻牙城殺五百  
餘人執德倫置之樓上縱兵大掠彥止其剽掠四月  
帝遣供奉官扈異馳諭彥許以刺史彥曰但以六州  
還魏而詔劉鄩反兵皇帝可以高枕異還言彥狂獷

不足畏宜促鄆擊之帝使人諭彥以制置已定使者  
三返彥怒曰傭保兒敢如是耶乃召羅紹威故吏司  
空頤曰為我作奏若復依違則渡河虜之耳帝優詔  
荅之言王鎔死鎮人請降遣鄆以兵定鎮州非有他  
也若魏不便之即召鄆還戒彥勿為朝廷生事彥以  
楊師厚鎮魏州嘗帶招討使逼德倫論之帝不許諭  
以詔書

詔曰別建節旄各令捍禦并鎮則委魏博控制澤潞則遣相衛枝梧

彥裂詔書

抵于地曰愚主聽人穿鼻難與共事矣今城中擾攘

未有所依我兵甲雖多須資勢援晉王可以託附遂  
迫德倫奉書求援於太原五月晉王率兵赴魏州藩  
漢馬步都指揮使符存審自趙州帥師屯臨清貝州縣

晉王東下德倫遣司空顗密啟張彥狂悖之狀不除

亂階恐貽後悔王

本文作上後倣此

默然進軍永濟

大名府臨清縣

永濟鎮

張彥謁見以銀槍效節五百人從皆被甲持兵

王登樓諭之曰汝等濫殺平人奪人妻女數日來迎  
訴寃者百餘輩當斬汝以謝鄴人遽斬彥及同惡者

七人軍士股栗翌日王輕裘緩策而進張彥部下環馬而從因命為帳前銀槍衆心大服劉鄩以精兵萬

人自洹水

大名府咸安縣洹水鎮

趨魏縣

大名府元城縣大名鎮去府四十里

王

命符存審禦之王率親軍於魏縣西北夾河為柵六月王入魏州兼魏州節度使以賀德倫為大同軍節

度使張源德為鄆守貝州諸將欲先擊貝州晉王曰

貝城小而堅攻之難卒下且源德雖恃劉鄩之兵然

與滄州相首尾今德州居其中

西南至貝州二百三十里北至滄州二百



四十里而無備不如先取之則滄貝之勢分而易圖乃

襲破德州七月澶州刺史王彥章棄城遁劉鄩軍于

洹水王率百騎覘其營是日陰晦鄩伏五千兵於河

曲叢木間王至伏兵俱起大譟而來圍王數十重王

馳突奮擊賊衆辟易決圍而出有頃援軍至乃解王

顧謂軍士曰幾為賊所笑鄩謂晉兵悉赴魏而太原

可襲潛軍出黃澤關按後魏書地形志樂平郡遼陽縣有黃澤關今遼州遼山縣有

黃澤寨他日王檀襲晉陽初鄩數日不出寂無聲迹城幾下則鄩未為無算也

遣遊騎覘之無斥候者城中無煙火有鳥止於壘上  
但有旗幟巡堞往來王曰我聞劉鄩用兵一步百變  
必以詭計誤我使視城中乃縛旗於芻偶之上使驢  
負之而行得城中羸老者詰之軍去已三日矣發騎  
追之時霖雨積旬鄩軍倍道兼行皆腹疾足腫加以

山路險阻崖谷泥滑死者十二三至樂平

平定軍縣去太原府

三百糗糧將竭晉

本文作帝

軍躡於後太原之衆在前鄩

收合其衆還自邢州陳家口渡漳水

粘漳河在大名府宗城縣東

而東駐於宗城

時屬貝州

時魏之軍儲已乏臨清積粟所

在鄆引軍據之初鄆軍之西周德威自幽州率千騎

至土門及鄆東下急趨南宮知鄆在宗城遣十餘騎

迫其營擒斥候者斷其腕而還德威軍至臨清鄆起

軍駐貝州王率親騎次博州鄆軍堂邑

博州縣在德西四十里

威率五百騎躡之是日鄆軍莘縣

大名府縣西至府一百里築角

道及河以饋軍王營於莘西一舍日夕交鬪八月梁

賀瓌襲取澶州王遣符存審率兵五千攻貝州塹而

圍之數挑戰鄆閉壁不出末帝以書責鄆曰閫外之事全付將軍河朔諸州一旦淪沒今倉儲已竭飛輓不充將軍與國同心宜思良畫如聞寇敵兵數不多宜設機權以時剪撲鄆報曰臣深溝高壘日夜戒嚴偵視營壘兵數極多最為勍敵未可輕謀帝復問鄆必勝之策鄆曰臣無奇術請人給米十斛米盡則敵破矣帝大怒誚鄆曰將軍蓄米將療飢乎將破賊乎乃遣使者督其軍鄆召諸將謀曰主上深居禁中與

白面兒謀必敗人事今敵盛未可輕動諸君以為如  
何諸將皆欲戰鄆乃悉召諸將坐之軍門人以河水  
一盃飲之諸將莫測或飲或辭鄆曰一盃之難猶若  
此滔滔河流可盡乎諸將皆失色帝又數促鄆使出  
戰鄆不肯出王與諸將謀曰劉鄆學六韜本欲示弱  
以襲我今其見迫必求速戰十三年二月王命符存  
審守魏陽為西歸潛兵貝州鄆報帝曰晉王西歸魏  
無備可擊三月鄆遣其將楊延直自澶州率兵萬人

會于城下

澶州北至大名府一百一十里

夜半至南門外城中潛出

壯夫五百人突入延直軍譟聲動地遲明鄆自羊引軍至城東與延直會鄆之來也存審率兵踵其後李嗣源自魏出戰俄而王自貝州至鄆忽見晉軍驚曰晉王耶兵稍却至故元城西存審大軍已成列矣前後為方陣鄆為圓陣禦晉兵再合鄆引騎軍突西南而走王以騎軍追擊之梁步兵合戰晉

本文作帝軍後倣此

鼓譟圍之數重埃塵漲天嗣源以千騎突入其間其

衆披靡相輾如積晉軍四面斬擊棄甲之聲聞數十里騎軍追及于河上十百為羣赴水而死步兵七萬殲亡殆盡鄆奔滑州是月梁主遣匡國節度使王檀以奇兵出陰地襲太原晉兵皆從王于河上太原無備監軍張承業大恐率諸司工匠登城捍禦而外攻甚急代北安金全以疾居于太原强起謂承業曰太原晉之根本不守則大事去矣老夫誠憊矣然尚能為公破賊承業喜授以甲兵金全率子弟及故將吏

得百餘人夜出北門擊檀于羊馬城中檀軍驚潰昭

義李嗣昭遣騎三百赴援檀懼乃燒營而遁梁主聞

之曰吾事去矣三月攻梁衛州降其刺史克磁州

洛至

州百一殺其刺史四月克洺州

東南至大名府一百四十里

五月

王還晉陽六月圍邢州

至洛州百二十里

七月王自晉陽至

八月進攻邢州

東北至相州二百九十里

張筠棄相州走

東至大名府二

百一邢州以城降九月王還晉陽戴思遠棄滄州而

逃是月貝州平河朔悉為晉矣王至魏州十四年二



月王聞劉鄩保黎陽

在澶州西南

率師攻之十月王還晉

陽十一月如魏州十二月帝幸洛陽為來年郊禮時

梁據揚劉城列柵相望王率軍履河冰而渡進攻揚

劉城城中守兵三千人王率騎軍環城馳射又令步

兵斧其鹿角負葭葦以堙塹王自負一圍而進諸軍

譟鼓而登遂拔其壘帝聞之懼遂停郊禮十五年正

月至自西都敬翔上疏曰故時河朔半在以先帝之

武御貔虎之臣猶不得志於晉今晉日強梁日削陛

下處深宮之中所與計事者非近習則親戚之私而望成事乎臣聞晉攻揚劉李亞子負薪渡水為士卒先陛下委蛇守文儒雅自喜而遣賀瓌為將豈足當彼之鋒乎臣雖憊矣受國恩深若其乏材願得自效趙岩等以為怨言遂不用二月梁將謝彥章帥衆數萬迫揚劉築壘自固又決河水以隔晉軍六月王至揚劉率諸軍涉水而進梁人臨水拒戰晉軍小却俄而鼓譟復進梁軍退因擊之交關於中流梁軍大敗

彥章僅免八月大閱於魏郊河東魏博幽周德威滄符存

審鎮王鎔定王處直邢洺李嗣源鄜高萬興勝李嗣恩雲朔李存

璋十鎮之師及奚契丹室韋吐渾之衆十餘萬步陣

嚴整王自魏州次揚劉畧地至鄆西至大名府濮至

名府一百九十里而還遂營於麻家渡距行臺村十餘里諸鎮列營

十數賀瓌謝彥章屯行臺村結壘相持百餘日王以

數百騎摩壘求戰彥章帥精甲五千伏於堤下王以

十餘騎登堤伏兵發圍王十數重俄而王之騎軍繼

至攻於圍外王於園中躍馬奮擊決圍而出存審兵  
至梁軍方退十二月王進軍迫行臺寨十里而止瓌  
善用步卒而彥章與孟審澄侯溫裕皆善將騎兵審  
澄溫裕所將不過三千彥章多而益辦瓌心忌之彥  
章與瓌行視郊外瓌指一地語彥章曰此營柵之地  
已而晉兵柵之瓌疑彥章陰以告晉益惡之彥章故  
與馬步都虞候朱珪有隙瓌欲速戰彥章請持重以  
老敵珪乃誣彥章以為反瓌募士使珪伏甲殺之審

澄溫裕皆見害王喜曰將帥不和梁亡無日矣戊午

王

本文無王字

下令軍中歸老疾於鄴悉兵趨汴辛亥次

臨濮梁軍捨營踵於後癸亥次胡柳陂黎明候騎報

曰梁軍至矣王戒軍曰步軍輜重俱行吾自殿後破

賊德威奏曰賊倍道而來未成營壘我營柵已固守

備已餘須決萬全之策此去汴州信宿而近

至汴三百五十

里梁軍父母妻子皆在其中梁人家國繫此一舉吾

以深入之兵當其必死之戰可以計勝難與力爭也

王宜按軍無動臣請以騎軍擾之使不得下營樵爨不暇給因其勞乏而乘之可以勝也王曰吾軍河上終日挑戰恨不遇賊今見敵不擊復何為乎顧存審曰公以輜重先吾為公殿遽督軍而出德威謂其子曰吾不知死所矣前遇梁軍而陳王與存審總河東魏博之衆居中鎮定之軍居左德威之軍居右而輜重次右之西兵已接王率銀槍軍馳入梁陳賀瓌王彥章單騎走濮陽王輜重見梁朱旗皆驚潰德威軍

亂梁軍乘之德威父子皆戰死盡取其輜重軍已勝

陳無石山

山即土

王至山下望梁陣堅而整呼其軍曰

今日之戰得山者勝因馳騎犯之王建及將銀搶效

節繼進梁軍遽下陣於山西晉兵遂得土山梁軍復

於土山西結陣數里時日已晡諸將皆潰兵未集閻

寶曰夫決勝料勢決戰料情情勢既得斷在不疑今

梁兵窘蹙其勢可破勝而驕怠其情可知彼陣山上

吾在其下尚能擊之況以高而擊下不可失也白王

曰請登高臣即破敵王謝曰微公幾敗吾事於是李嗣昭領軍自土山北以逼梁軍建及呼衆曰今日所失輜重皆在山西盍往取之即馳犯梁軍諸軍繼之梁軍大敗時元城令吳瓊貴鄉令胡裝各部役徒於山下曳柴揚塵助其勢梁軍不之測自相騰藉奔歸汴者不滿千人晉拔濮陽遂軍德勝為南北城於河上十六年正月三日王還魏州三月兼領盧龍軍節度使四月賀瓌攻南城百道攻擊以竹竿維戰艦于



河晉兵不得渡王馳而往陣於北岸南城告急王積  
金帛於軍門募能破梁戰艦者至於吐火禁呪莫不  
皆有建及重鎧執稍呼曰梁晉一水間耳何必巧為  
吾今破之矣乃以巨索連十艘選效節勇士三百人  
持斧被鎧鼓枻而進至中流梁樓船三層蒙以牛草  
懸板為楯建及率持斧者入艨艟間斬竹竿破懸楯  
又於上流取甕數百用竹竿圍之積薪於上灌以脂  
膏火發烜空又以巨艦載甲士隨之斧其竹竿梁兵

皆去晉軍乃得渡救南城瓌解圍去七月王歸晉陽  
八月瓌卒開封尹王瓚代為行營招討使瓚自黎陽  
渡河攻澶州不克退屯楊村扼河上流與晉相持時  
晉軍德勝南北舟兵來往頗以為勞而河北無竹石  
振武節度使李存進以葦竿維大艦為浮梁王大喜  
十月至如魏州廣德勝北城日與梁軍接戰十二月  
戊戌王軍河南夜伏步兵潘張村在今東京封邱縣梁軍寨  
下以騎軍掠其餉運擒其斥候王瓚結陣以待王以

鐵騎突之梁軍大奔赴水甚衆殫保北城十七年四月朱友謙襲同州梁遣泰寧軍節度使劉鄩擊友謙友謙求救七月遣存審嗣昭救之九月擊鄩大破之鄩遁追擊於渭河又敗之十八年正月魏州人傳真獻唐受命寶一王已諾諸將即皇帝位張承業方卧病聞之自太原肩輿至魏諫曰大王父子與梁血戰三十年本欲雪家國之讐而復唐之社稷今元克未滅而遽以尊名自居非王父子之初心且失天下望

不可王謝曰此諸將之所欲也承業曰不然梁唐晉之仇賊而天下所共惡也今王誠能為天下去大惡復列聖之深讐然後求唐後而立之使唐之子孫在孰敢當之使唐無子孫天下之士孰可與王爭者王不聽承業知不可諫乃仰天大哭曰王自取之悞老奴矣肩輿歸太原自是病日加卒二月趙張文禮弑其君鎔時王方與諸將宴酒酣樂作聞鎔遇弑投解而泣曰趙王同盟分如金石何負於人覆宗絕嗣文

禮遣使請旄節王曰文禮之罪期於無赦敢邀旄節  
左右曰方今事繁不欲與人生事王乃承制授文禮  
鎮州兵馬留後河中朱友諒昭義李嗣昭橫海符存  
審義武王處直安國李嗣源成德張文禮天平閭寶  
大同李存璋振武李存進匡國朱令德唐復舊藩鎮  
名故同州稱  
匡請王即位王三辭友諒等三請王曰予當思之左  
右亦勸王早副人望王撫挹久之初王鎔令偏將符  
習從王屯於德勝文禮既行弑逆忌鎔故將遣使欲

代習歸鎮習懼請留帝令傳旨於習且言爾等從征  
蓋緣君父之故銜冤思報誰無人心吾當給爾糧助  
爾兵於是習等率諸將三千餘人哭於牙門請討文  
禮八月王授習成德軍兵馬留後以部下致討又遣  
閻寶助之以史建瑋為前鋒甲子攻趙州刺史王鉦  
迎寶遂引兵至鎮州城下趙州至中山府一百里文禮懼卒子  
處瑾祕喪拒守九月建瑋戰于城下為流矢所中而  
卒十月己未戴思遠攻德勝北城王命李嗣源設伏

於戚城

今屬開德府清豐縣

令騎軍挑戰梁軍大至王御中軍

以禦之步兵漸至李嗣源以鐵騎三千乘之梁軍大

敗俘斬二萬計王處直叛附于契丹其子都幽處直

十一月王至鎮州城下築土山以攻其壘十二月契

丹寇幽州遂攻涿州寇定州王都告急王率五千騎

赴之十九年正月王至新城

今涿州縣古督亢地

契丹前鋒三

千騎至新樂

中山府縣

戴思遠乘虛襲魏州軍至魏店李

嗣源自頓邱

按輿地廣記唐大厯置澶州晉天福移濮陽於澶州南郡為治所而以頓邱為

德清軍今屬開  
德府清豐縣

馳入魏州梁人乃西渡洹水陷成安

大名府縣

而去時契丹渡沙河諸將相顧失色又聞梁人

內侵皆欲旋師王以為不可敗契丹於新城望都追  
奔至于幽州是日戴思遠寇德勝北城晝夜攻擊存  
審極力拒守城中危急王自幽州倍道兼行梁人聞  
晉王至燒營而遁三月閻寶敗于鎮州以李嗣昭代  
之四月鎮兵出掠九門嗣昭擊之鎮軍且盡嗣昭為  
賊射中腦而卒以李存進代之八月梁段凝陷衛州



刺史李存儒被擒戴思遠又陷共城新鄉等邑自是

澶淵之西相州之南皆為梁所據九月張處球率兵

奄至東垣渡

在真定府真定縣

李存進戰沒乃以符存審為

招討使丙午夜趙將投緹以接王師諸軍畢入鎮州

平王無領成德節度同光元年三月李繼韜以潞州

叛附于梁王

本文無王字

篡即位壇於魏州四月即帝位

大赦改元國號唐以魏州為東京太原為西京鎮州

為北都所管節度十三州五十縣繼韜叛帝有憂色

有自鄆來者言戴思遠領兵在河上州城無守可襲

而取帝

本文無  
帝字

召李嗣源帳中謂曰昭義阻令而梁

急攻澤州吾出其不意攻其鄆州以斷梁右臂可乎

嗣源對曰夾河之兵久矣苟非出奇則大計不決臣

請獨當之乃以步騎五千襲鄆州高行周將前軍夜

遇雨軍中欲止行周曰此天贊我也鄆人恃雨不備

吾來宜出其不意即夜涉濟入其城鄆人方覺遂取

之即拜嗣源天平節度使梁人大恐敬翔顧事急以

繩納靴中入見末帝泣曰先帝取天下不以臣為不肖所謀無不用今強敵未滅陛下棄忽臣言臣身不用不如死乃引繩將自縊末帝使人止之問所欲言翔曰事急矣非王彥章不可五月乃遣王彥章代思遠問破賊之期對曰三左右皆失笑彥章出馳兩日至滑州去汴一百一十里置酒大會陰遣人具舟於楊村命甲士六百人皆持巨斧載治者具韞炭乘流而下彥章會飲酒半佯起更衣引精兵數千沿河以趨德

勝舟兵舉鎖燒斷之因以巨斧斬浮橋而彥章引兵急擊南城浮橋斷南城遂破蓋三日矣是時帝在魏以朱守殷守德勝聞彥章為招討使驚曰彥章驍勇吾嘗避其鋒非守殷敵也然彥章兵少利於速戰必急攻我南城即馳騎救之行二十里而得夾寨報者曰彥章兵已至此至而南城破矣罵曰驚才果悞予事撤北城屋木攻具浮河而下增固楊劉與彥章俱浮于河各行一岸每舟棧相及輒戰一日數十接比及

楊劉殆亡其半匡霸指揮使李周守楊劉梁人以巨艦絕河斷晉餉道周遣人趨求救請日行百里以赴急帝笑曰周為我守何憂日行六十里且行且獵比至周已絕糧三日梁兵解去結營於楊劉之南延袤十數柵六月帝登壘望見彥章為重塹以絕唐軍笑曰欲持久弊我也即排短兵出戰為彥章伏兵所射敗而歸問郭崇韜計安出對曰彥章圍我于此其志在取鄆州也臣願得兵數千據河下流築壘於必爭

之地以應鄆州為名彥章必來爭既分其兵可以圖也然板築難卒就陛下日以精兵挑戰使彥章兵不得東十日壘成矣梁先鋒將康延孝陰送款於李嗣源求可以通於帝

本文作莊宗後倣此

麾下范延光請行乃懷

延孝蠟丸書見帝且曰今延孝雖有降意而梁兵扼楊劉者甚盛未可圖也不如築壘馬家口以通汶陽

屬兗州

帝以為然乃遣崇韜與毛璋將數千人夜行所

過驅掠居人毀屋伐木渡河築壘於博州東

鄆博相去一百

七十  
里 晝夜六日壘成彥章引兵急攻之時方大暑彥

章列騎環城使步軍堙壕登堞又於上流下巨艦十  
餘扼斷濟路攻擊百端城中危急帝引軍陣于西岸

城中望之大呼帝將渡梁軍解圍退保鄒家口

在楊劉下

流七月帝沿河而南彥章棄鄒家口復至楊劉已未

自楊劉退保楊村寨帝幸楊劉段凝與趙岩張漢傑  
交通彥章素剛憤梁日削而嫉岩等所為嘗謂人曰  
俟吾破賊還誅姦臣以謝天下岩等聞之懼叶力傾

之其破南城也彥章與凝各用捷書以聞凝遣人告  
岩等匿彥章書而上已書末帝初疑其事已而使者  
至軍獨賜勞凝而不及彥章軍士皆失色及楊劉之  
敗凝乃上書言彥章使酒輕敵而至於敗岩等日夜  
從中毀之八月梁克澤州守將裴約死之帝自楊劉  
歸鄴梁罷彥章以凝為招討使彥章馳至京師入見  
以笏畫地自陳勝敗之迹岩等諷有司劾彥章不恭  
勒還第凝帥衆五萬營于王村

在開德府  
觀城縣

自酸棗決



河東注鄆以隔絕唐軍庚寅唐軍朝城戊戌康延孝以百騎奔于唐帝解御衣金帶以賜之拜博州刺史南面招討指揮使帝屏人問延孝梁事延孝言末帝懦弱趙張用事段凝姦邪以入金多為大將故將皆出其下梁主每一發軍即令近臣監護進止可否悉取監軍處分小人進任而忠勇皆見疎斥必亡之勢也又聞梁計如何曰竊聞其議期以仲冬大舉遣董璋以陝虢澤潞之衆出石會以攻太原霍彥威以關

西汝洛之兵掠邢洺以趨鎮定王彥章以京師禁衛  
擊鄆州段凝以河上之軍當陞下帝懼曰將何以禦  
之延孝曰梁兵雖衆分則無餘臣請待其既分以鐵  
騎五百自鄆趨汴出其不意擣其空虛不旬日必下  
矣帝壯其言梁聞晉將自兗州路出師急召彥章領  
保鑾騎士數千於東路守捉令張漢傑監其軍新史云時  
京師祇有保鑾五百騎乃以屬彥章按舊紀李嗣源  
初敗彥章擒梁將三百人俘斬二百級莊宗再敗彥  
章擒梁將吏二百餘人斬馘二萬奪馬千匹雖不  
止保鑾一軍亦不應止有五百人今從舊史傳  
唐

自李繼韜以澤潞叛契丹數犯幽涿又聞梁欲大舉  
帝患之以問諸將皆曰唐得鄆州隔河難守不若棄  
鄆與梁而西取衛州黎陽以河為界與梁約罷兵毋  
相攻庶幾以為後圖帝不悅退卧帳中召郭崇韜問  
計崇韜曰陛下興兵仗義將士疲戰爭生民苦轉餉  
者十餘年矣今大號已建自河以北人皆引首以望  
成功而思休息今得一鄆州不能守而棄之縱欲指  
河為界誰與陛下守之且唐未失德勝時四方商賈

征輸必集薪芻糧餉其積如山自保楊劉道路轉徙  
耗亡大半而魏博五州秋稼不稔不支數月此豈按  
兵持久之時乎自康延孝來盡得梁之虛實此正天  
亡之時願陛下分兵守魏固楊劉而自鄆長驅擣其  
巢穴不出半月天下定矣帝大喜曰此大丈夫之事  
也九月戊辰王彥章渡汶李嗣源遣軍偵視至遞坊  
鎮梁軍挑戰嗣源擊敗之帝大悅下令軍中歸其家  
屬於魏十月壬申帝發楊劉癸酉至鄆州嗣源為前

鋒時彥章守中都甲戌帝攻之衆潰擒彥章等將吏  
二百餘人斬馘二萬奪馬千匹翌日彥章見殺彥章  
雖敗而段凝悉將梁兵屯河上帝未知所嚮諸將多  
言乘勝以取青齊嗣源曰彥章之敗凝猶未知使其  
聞之定計三日縱使料吾所向亟發救兵必渡黎陽  
數萬之衆舟楫非一日具也此去汴州不數百里前  
無險阻方陣而行信宿可至汴州已破凝豈足顧哉  
而郭崇韜亦勸帝入汴帝嘉之是夜嗣源率前軍死

進丁丑取曹州

至汴二百四十里

梁帝聞晉軍長駭將至遣

張漢倫馳駟召段凝于河上漢倫中道墜馬傷不能

進帝呼敬翔曰朕居常忽卿言今急矣勿以為慙我

當安歸翔曰臣從先帝三十餘年今雖為相實朱氏

老奴爾事陛下如郎君以臣之心敢有所愛陛下初

用段凝臣已爭之今凝不來敵勢已迫欲為陛下謀

則小人間之必不見聽請先死不忍見宗廟之亡君

臣相向慟哭時禁軍尚有四千人朱瑋請以拒唐帝

不從召開封尹王瓚謂之曰段凝未至社稷繫卿方

畧瓚駈軍民登城為備帝登建國樓

五代會要開平元年改皇城南

門為建國門

以問羣臣或曰晉孤軍遠來勢難持久雖使

入汴不能守也宜幸洛陽保嶮以召天下兵徐圖之  
勝負未可知也趙岩曰勢已如此一下此樓何人可  
保帝置傳國寶於卧房內俄失所在已為左右所竊  
迎唐軍矣召控鶴都將皇甫麟謂之曰吾與唐世讐  
不可俟彼刀鋸卿可盡我命勿落讐人之手麟不忍

帝曰將賣我耶麟將自刎帝持之戊寅夕麟弑帝即

自裁遲明嗣源攻封丘門

北面之東南

王瓚開門迎降帝

軍繼進瓚迎帝自梁門

西面次門

入見嗣源手攬其衣以

頭觸之曰天下與爾共之辛巳凝率兵五萬降此莊

宗取魏博以後滅梁本末也後梁自太祖開平元年

至均王龍德二年凡二世十六年

己丑唐詔梁節度觀察使下至將校並不改更

以舊紀及通鑑

脩

甲午唐以郭崇韜守侍中兼成德節度使戊戌加李



嗣源中書令

以舊紀及通鑑脩

楚王殷遣子希範上將吏籍于

唐

以通鑑脩

渤海王季興朝于唐

以通鑑脩

十一月唐以滑州留

後段凝為泰寧節度使

以通鑑脩

乙巳唐復北都為鎮州太

原為北都

以新紀脩

戊申唐省文武官

以通鑑脩

丙辰唐復東京

為宣武軍汴州

以新紀通鑑脩

丁巳唐禮部侍郎韋說同平章

事

以新紀脩

辛酉唐復永平軍為西都京兆府

以新紀脩

甲子唐

遷都于洛陽

以通鑑脩

十二月唐復藩鎮舊名

以舊紀脩

辛巳唐

李繼韜伏誅

以新紀脩

壬辰唐主畋于伊闕

以新紀脩

甲申

唐莊宗皇帝同光二年

岐王李茂貞天祐二十

一年

吳睿帝順義四年

蜀帝王衍乾德六年

南漢高祖皇帝乾亨八年

吳越王錢鏐寶大元年

楚王馬殷

南平王高季興

閩王王審知

契丹

天贊三年

春正月唐河南尹張全義及諸鎮進暖殿物分財

賦為內外府

以新紀脩

岐王茂貞稱臣遣子貢于唐

以通鑑脩

唐

召宦官詣闕復置內諸司使諸道監軍

以呂祖謙標目脩

二月

唐以宣徽使馬紹宏為內勾使

以唐實錄脩

辛巳唐進岐王

茂貞爵秦王

以呂祖謙標目脩

癸未唐立夫人劉氏為皇后時

皇太后誥皇后教與制敕交行於藩鎮

以呂祖謙標目脩

鮮題曰陸游曰莊宗欲立劉氏為后而韓夫人正室也伊夫人位次在劉氏上莊宗雖出夷狄承天下大亂之際然顧典禮人情未知所出羣臣無敢當其議者將相豆盧革郭崇韜上章言劉氏當立莊宗從之劉氏既立黷貨蠹政天下大亂莊宗弑死李氏子孫殲焉草不足言矣崇韜佐命大臣其請立劉氏不過謂天子所寵昵而自結焉將以賴其功而已然唐之亡實由劉氏是亡唐者崇韜也同光之初海內幾可

指揮而定崇韜以覆其社稷宗廟之靈其有赦之乎  
崇韜以盡忠赤族而草亦誅死豈非天哉昔唐高宗  
立武昭儀為后褚遂良等力爭以為不可皆得禍獨  
李勣勸成之窮極富貴而死及武氏得志太宗之子  
孫誅戮幾盡勣亦以子敬業故發墓夷族遂良得禍  
不至此也天理之不可逃也如此事見通鑑

三月丙午唐進渤海王季興爵南平王

以通鑑脩

庚申唐遣

使按視諸陵

以通鑑脩

解題曰溫韜逋誅則雖按視諸陵無益也

夏四月己巳朔唐上尊號以通鑑脩唐遣客省使李嚴使于

蜀以通鑑脩秦王茂貞卒其子從曦權知鳳翔軍府事以呂祖謙

標目脩唐潞州將楊立反以新紀脩五月壬寅唐以梁教坊使

陳俊內園使儲德源為刺史以舊紀脩壬戌唐以李從曦為

節度使以通鑑脩六月丙子唐楊立伏誅以新紀脩壬辰唐以李

嗣源為宣武節度使蕃漢馬步總管以呂祖謙標目脩

解題曰此他日嗣源入汴之張本也征蜀之役明宗為總管當行而

姚坤之對阿保機亦謂新天子位至  
大總管之職蓋統兵之至重者也

秋八月癸酉唐以孔謙為租庸使時使帖直下支郡天

平節度使李存霸等以為言不從

以呂祖謙  
標目脩

解題曰程大昌曰按舊史梁太祖之開國也屬黃巢  
大亂之餘以夷門一鎮外嚴烽候內辟汙萊厲以耕  
桑薄其租賦士雖苦戰民則樂輸二紀之間俄成霸  
業乃末帝與莊宗對壘于河上河南之民雖困于輦  
運亦未至流亡無他賦歛輕而邱園可戀故也及莊

宗平梁任孔謙為租庸使峻法以剥下厚歛以奉上  
民產雖竭軍食尚虧加之以兵革因之以飢饉不四  
三年以至顛殞無他賦役重而寰區失望故也此事  
新史既不書通鑑亦不載殆惡朱梁之過也

冬十月吳越王鏐遣使貢于唐

以通鑑脩

十一月癸卯唐主

畋于伊闕

以新紀脩

蜀聘唐盡罷北邊屯兵

以通鑑脩

丁巳唐加

朱守謙太師尚書令賜鐵券

以列傳通鑑脩

十二月庚午蜀以

宦者宣徽使王承休為天雄節度使

以通鑑脩

解題曰蜀以秦州為天雄軍

辛卯蜀改明年元

以通鑑脩

是歲契丹寇唐

以通鑑脩

解題曰按陰山雜錄梁滅阿保機

本文作阿保謹

率兵直抵

涿州時幽州安次潞三河漁陽懷柔密雲等縣皆為

所陷俘其民而歸置州縣以居之不改中國州縣之

名餘見通鑑

吳越王鏐改元

解題曰按九里松觀音尊勝幢寶大二年歲次乙酉



建乙酉乃唐同光三年其元年當在甲申又平江橫  
山寶積寺吳越碑亦稱寶大二年蓋自壬申以後用  
梁紀元至唐革命復自立正朔也

唐莊宗皇帝同光三年 吳睿帝順義五年 蜀帝王  
衍咸康元年 南漢高祖皇帝白龍元年 吳越王錢  
鏐寶大二年 楚王馬殷 南平王高 契丹天贊四年 春正月庚子唐  
季興 閩王王審知

主如魏州以新紀脩二月唐郭崇韜解節度使庚辰以李嗣

源為成德節度使以通鑑脩漢遣使貢于唐以通鑑脩三月唐令

宦者伶人擇妃嬪以通鑑脩庚申唐主至自魏州以新紀脩辛酉

唐改東京為鄴都洛京為東都

以新紀脩

夏四月癸亥朔日

有食之通鑑

五月唐大旱

以通鑑脩

秋八月癸未唐殺河南

令羅貫

以新紀脩

九月蜀主衍與太后游青城山

以通鑑脩

庚子

唐以魏王繼岌為行營都統郭崇韜為招討等使以伐

蜀

以通鑑新紀脩

大水

以新舊紀脩

冬十月癸亥蜀主衍東游至

利州而還

以通鑑脩

戊寅唐取蜀鳳州辛巳取興州大敗蜀

兵于三泉蜀諸鎮皆送款十一月丙辰蜀主衍至成都

中書令判六軍十二衛王宗弼劫之尋出降

以通鑑脩

解題曰蜀自王建以唐大順二年入成都天祐七年  
建號傳子衍至同光三年而滅凡三十五年蘇轍曰  
國無釁而後可以伐人冒釁以伐人敵無釁則已受  
其災敵有釁則我與敵皆斃唐莊宗與梁人夾河相  
攻十戰九勝涉河取鄆不十日而克梁五代用兵未  
有神速若此者也然克敵之後幸一日之安沉湎聲  
色之娛宦官伶人交亂其政府庫之積罄於耳目之  
奉民怨兵怒國有土崩之勢而不知也一時功臣皆

武夫崛起未有識安危之機者惟郭崇韜知其不可  
力言而不見聽求去而不見許中外佞倖視之仄目  
崇韜深病之矣時方欲伐蜀崇韜欲立功為自安計  
議以魏王為元帥而已為之副將兵六萬以去不逾  
時而克成都然崇韜知蜀之易與不知唐之已亂挈  
其良將勁兵西行數千里雖立大功而不免讒死征  
蜀之兵未還而趙在禮為亂河朔明宗北征遂與在  
禮皆反帥兵南向無一人能禦之向使西師不出蜀

雖未下而京師有重兵崇韜不死叛臣心有所畏不敢妄動莊宗不亡崇韜不死禍福未可知也其冒釁以伐人盖有智而未始學也事見通鑑

十二月唐以右廂馬步都虞候董璋為東州節度使

呂

祖謙標  
目脩

解題曰按新史左右廂起于唐用李靖兵法諸軍各分左右廂統之自府兵壞京師變為彍騎謂之禁兵諸道變為長征謂之鎮兵昭宗之亡禁旅盡矣朱全

忠以方鎮建國遂以鎮兵之制用之京師是後京師  
軍有四廂而諸軍兩廂其廂使各掌城郭烟火之事  
而軍旅漸有廂軍之名自周世宗於方鎮寄招禁軍  
別立部曲由是州郡始有禁軍宋太祖作階級法專  
治禁軍而天下鎮兵通謂之廂軍教閱踈畧浸為役  
卒矣

唐魏王繼岌族誅王宗弼等

以新紀通鑑脩

辛未閩王審知卒

子延翰自稱威武留後

以呂祖謙標目脩

丙子唐以北都留守

孟知祥為西川節度使

以呂祖謙標目脩

唐以伶人武德使史

彥瓊為魏博監軍

以通鑑脩

已卯唐主獵于白沙

以新紀脩

漢改

元

以通鑑脩

唐李嗣源入朝

以通鑑脩

解題曰按新史明宗自鎮州入覲奉朝請于京師莊

宗頗疑其有異志陰遣李紹宏伺其動靜紹宏以情

告明宗明宗自魏而反天下皆知禍起于魏孰知其

啟明宗之二心者自紹宏始也事見通鑑

閏月唐吏部尚書李琪請除折納紐配之法不行

以通鑑脩

大事記續編卷七十二



欽定四庫全書

大事記續編卷七十三

明 王禕 撰

唐明宗皇帝李亶天咸元年 吳睿帝順義六年 南漢高祖皇帝白龍二年 吳越王錢鏐寶貞元年 楚

王馬殷 南平王高季興 閩王王延翰 契丹太宗皇帝德光天顯元年 春正月唐朱友

謙入朝以通鑑脩甲子唐魏王繼岌以皇后教殺郭崇韜及

其子參預兵機任圜總軍政以通鑑脩唐主殺郭崇韜諸子

又殺弟睦王存義族誅朱友謙以通鑑脩二月唐魏博軍將

趙在禮反于貝州癸巳陷鄴都命歸德節度使元行欽

招撫之

以朱熹綱目脩

解題曰魏牙兵劫賀德倫西降而莊宗因以滅梁及趙在禮叛李嗣源入魏而唐亦亡興唐者牙兵也亡唐者亦牙兵也作使作敵呼吸間爾可不畏哉事見

通鑑

丁酉唐保義節度使康延孝反于劍州魏王繼岌遣任

圜討之

以朱熹綱目脩

唐邢州兵趙太反遣東北面招討使霍

彥威討之

以通鑑脩

唐命李嗣源討魏州

以通鑑脩

唐任圜大破

康延孝於漢州尋誅之

以通鑑脩

三月丁巳朔唐趙太伏誅

紀以新脩

唐以王延翰為節度使

以朱熹綱目脩

乙丑唐李嗣源入

于魏與趙在禮俱反

以新紀通鑑脩

唐諸道多殺監軍

以呂祖謙標目

脩

唐左射軍使石敬瑭說李嗣源取汴州嗣源使為先

鋒

以新紀通鑑脩

唐族誅王衍

以新紀脩

乙亥唐主如汴州壬午李

嗣源入汴唐主還夏四月丁亥朔從馬直指揮使郭從

謙弑之己丑嗣源入洛陽甲午監國

解題曰按新舊史實錄二月六日趙在禮據魏州莊

宗遣元行欽將兵攻之不利退保澶州丁未行欽以諸道之師再攻鄴都賊無降意命李嗣源統親軍赴鄴帝素倚愛元行欽鄴城軍亂即命為招討使久而無功時趙太據邢州詔霍彥威討之王景戡據滄州帝欲親征樞密使宰臣言四方有變但命將出征奚煩躬御士伍帝曰無可將者斷在自行馬紹宏即李紹宏等曰李嗣源陛下宗臣威名振於夷夏若委以專征寇不足平帝素寬大無疑於物自誅崇韜友謙之後

閹豎伶官交構讒諂由是漸多猜惑不欲大臣典兵  
乃曰當擇其次者又奏非嗣源不可張全義亦奏宜  
令總管進兵乃命嗣源行營三月丁巳朔彥威收復  
邢州嗣源至魏軍城西行欽軍城南彥威還以兵屬  
嗣源八月命詰旦進攻是夜從馬直軍吏張破敗謀  
殺都將縱火燒營遲明逼嗣源營親軍拒戰亂兵益  
盛嗣源叱之曰自吾為帥十有餘年何負爾輩今賊  
城破在旦夕乃爾輩立功名取富貴之時况爾天子

親軍反效賊耶對曰將士十年血戰於國有功昨貝  
州戍卒思歸主上不垂原宥又從馬直兩人醉競而  
欲盡誅其衆且聞破魏之後盡坑魏博之軍某等初  
無叛心直畏死耳今宜與城中合勢擊退諸道之師  
欲主上帝河南令公帝河北且與軍民為主嗣源泣  
諭之曰余與主上位則君臣親則骨肉爾不從吾命  
任爾所為自歸朝當取上旨亂兵抽刀露刃環繞嗣  
源曰今公欲何之安重誨霍彥威躡嗣源足請詭之

亂軍擁嗣源彥威入鄴趙在禮迎嗣源謝曰軍士負令公敢不惟命是聽皇甫暉擒張破敗斬之部兵在外者聞嗣源反皆潰散嗣源謂在禮曰欲建大事非兵不集此輩不可令散卿等守城吾於城外招撫之

嗣源得出夜宿魏縣親軍稍有至者

高遠南唐烈祖實錄明宗附傳

魏博反同光不得已而用之既至鄴內外不謀同辭俱請天成為主閻自若唐末泛聞錄趙在禮襲據魏府以叛諸將不能克起明宗討之在禮等開門迎明宗上尊號元行欽步騎萬人營

城南嗣源密令張虔釗戒之曰且堅壁勿動計會同

殺亂軍行欽不聽棄甲而退嗣源部下不滿百人時  
彥威將鎮州兵獨全聞嗣源得出相率歸嗣源嗣源  
掩泣曰來日歸藩上章請罪一任聖裁重誨彥威曰  
此策非宜國家付以閫外之事不幸為賊驚奔元行  
欽未聞戰聲無故棄甲如到闕之後信彼奏陳何所  
不至若歸藩聽命便是強據邀君正當星行歸闕以  
沮間謀嗣源曰善翌日之相州獲官馬二千匹始得  
成軍行欽保退衛州奏曰鎮帥入賊軍終不為國家



用嗣源一日之中上章申理者數輩嗣源長子從審  
為金槍指揮使帝謂從審曰吾深知爾父忠厚因遣  
內官白從訓與從審宣詔諭嗣源行欽將殺之從審  
曰我父為亂兵所迫公等不亮其心而更加離間如  
此我亦不能省父願歸宿衛乃許之嗣源章奏不達  
旬日之間音驛斷絕嗣源憂疑左射軍石敬瑭曰猶  
豫者兵家大忌必若求訴宜決其行某願率三百騎  
先趨汴水以探虎口如遂其志請大軍速進夷門天

下要害得之可以成事康義誠曰主上不慮社稷阽  
危不思戰士勞苦禁骨肉於宮中囚功臣於闕下荒  
耽禽色沉溺酒樂今從衆則有歸守節則將死嗣源  
納其言李從珂在橫水率其軍趨常山會王建立倍  
道而南嗣源以行欽在衛州自白臯史朝義自白臯  
渡河會汴州楊  
光遠自白  
臯趨滑州渡河遣敬瑭將三百騎為先鋒從珂軍其  
後癸酉上遣懷遠指揮使白從暉領騎扼河陽橋甲  
戍行欽率兵歸京上幸鵝店勞之行欽曰鄴都亂兵

已據博州翟建自為刺史將渡河襲汴鄆請車駕幸

關東招討之乙亥次石橋

陸機洛陽記城東有石橋

丁丑次汜水

關今屬孟州汜水縣改為行慶關

戊寅令行欽沿河東向將士多亡

於道獨李從審不去左右或勸其逃不聽帝聞嗣源

已渡黎陽復欲遣從審通問行欽以為不可遂殺之

上至滎澤

今鄭州縣

東曹州刺史西方鄴方以兵屯汴州

嗣源渡河而帝東幸汴州汴州節度使孔循使北門

迎嗣源西門迎帝供帳委積如一曰先至者入之鄴

責循曰主上破梁而得公有不殺之恩奈何欲納總  
管而負國循不荅鄴度循不可爭而石敬瑭妻嗣源  
女也時方在汴鄴欲殺之以堅人心循知其謀取藏  
其家鄴無如之何壬午嗣源入汴鄴將五百騎西迎  
帝於汜水嗚咽泣下帝亦為之噓唏龍驤指揮使姚  
彥溫三千騎為前軍彥溫奔汴州曰京師危迫主上  
為行欽所惑事勢已離難與共事嗣源曰汝自不忠  
何言之悖也即奪其師時王村寨有芻粟數萬潘環

保其壘上令騎軍急視之環亦歸汴州上神色沮喪

至萬勝鎮

在今東京中牟縣

即命旋師是夜次汜水關帝出

關從駕兵二萬五千及復至汜水已失萬餘人甲申

還宮初衛兵散走京師恐駭及帝至人情稍安嗣源

命敬瑭前軍入汜水收撫亂兵而房知溫杜晏球自

北面繼至

唐末汎聞錄帝親征明宗過河先據汴州帝亦尋至畏其鋒不敢進信宿班師明宗

躡之二日一夜在道降其衆十七八

丙戌馬紹宏與宰相同奏魏王西

軍將至車駕且宜控汜水賫詔撫諸軍以俟魏王上

從之出上東門

宋敏求河南志京城東面三門之北門

親閱騎軍戒以

詰旦東幸四月丁亥朔從駕馬軍陳於宣仁門外

河南

志東城東門直外郭正東門

步兵陳於五鳳門外

河南志宮城正南應天門天祐

改五

從馬直指揮使郭從謙自本營露刀大呼與黃

甲兩軍射興教門

河南志宮城南面次東門

上率諸王近衛騎軍

禦之遂亂兵出門步人始亂蕃漢馬步軍都虞候朱

守殷將騎兵陣門外急召守殷守殷不動亂兵焚門

緣城而入登宮牆謹諫上御親軍格鬪俄而樓上流

矢犯御崩於絳霄殿

河南志廣壽殿西曰明福門內太清殿正寢也本絳霄殿太平

興國改

之廐下皇后與元行欽皇弟存渥焚嘉慶殿

河南

志建禮門之西明宗重脩改廣壽殿

自師子門

河南志城西門之俗名也

遁去守殿

在北邙憩於茂林聞凶問即馳入宮中選載嬪御寶

貨以歸恣軍士劫掠翌日方定嗣源入罌子谷聞釁

慟哭謂諸將曰君父如此吾安所歸守殿遣人馳報

京城大亂燔剽不息願令公速救亂已丑嗣源至洛

陽止于舊宅

河南志本羅紹威第天成年為至德宮

命諸將止焚剽謂

守殷曰公善巡徼以待魏王淑妃德妃在宮供膳尤

宜豐厚

不正守殷掠宮人竊珍玩之罪而望以扶持宗社之事此言豈發於誠心哉

吾奉

山陵畢社稷有奉則歸藩為國家當北面之事是日

豆盧革率百僚拜牋勸進嗣源面諭之曰吾奉命討

賊不幸部曲離散及單騎歸朝又被行欽阻構倒行

逆施吾本無心諸君遽此見推殆非相悉吾執心有

素勿復再言馬紹宏等言廟社無依願俯徇樂推不

從壬辰三箋請行監國之禮從之甲午朝羣臣于興



聖宮

河南志東宮在蒼龍門西興聖宮以東宮為之明宗初居東宮示謙也

丙午自興

聖宮赴西宮服斬衰於柩前即帝位餘見通鑑

莊宗實錄

係明宗時宰相趙鳳脩明宗實錄係潞王時宰相姚顗脩其紀嗣源入鄴已後類非實錄薛居正遂取以為正史司馬光又據以為通鑑覽者當詳之

王禹偁五代史闕文曰世傳

武皇臨薨以三矢付莊宗曰一矢討劉仁恭一矢擊

契丹且曰阿保機與吾結為兄弟誓復唐社稷今背

約附梁汝必伐之一矢滅朱溫汝能成吾志死無恨

矣莊宗藏三矢于武皇廟庭及討劉仁恭命幕吏以

少牢告廟請一矢盛以錦囊使親將負之以為前驅  
凱旋之日隨俘馘納矢於太廟伐契丹滅朱氏亦如  
之歐陽脩曰方其繫燕父子以組函梁君臣之首入  
於太廟而告以成功其意氣之盛可謂壯哉及仇讐  
已滅天下已定一夫夜呼亂者四應倉皇東出未及  
見賊而士卒離散君臣相顧不知所歸至於誓天斷  
髮泣下沾襟何其衰也豈得之難而失之易歟抑本  
其成敗之迹而皆自於人歟書曰滿招損謙受益憂

勞可以興國逸豫可以亡身自然之理也故方其盛也舉天下之豪傑莫能與之爭及其衰也數十伶人困之而身死國滅為天下笑夫禍亂常積於忽微而智勇多困於所溺豈獨伶人也哉又曰傳曰君以此始必以此終莊宗好伶而弑於門高焚以樂器可不信哉

通鑑考異曰監國太子非官非爵然唐明宗潞王周太祖皆嘗監國漢太后令曰中外事取監

國處分又詔曰監國可即皇帝位時有以監國為稱號也

乙未以中門使安重誨為樞密使殺元行欽

解題曰按新史列傳行欽出奔至平陸野人執送虢州刺史折其兩足檻車送京師明宗見之罵曰我兒何負於爾行欽瞋目直視曰先皇帝何負於爾乃斬於洛陽市市人皆為之流涕歐陽脩曰嗚呼死之所以可貴者以其義不苟生爾故曰主在與在主亡與亡者社稷之臣也方明宗兵變於魏諸將未知去就而行欽獨以反聞又殺其子至於斷髮自誓言其誠節有足嘉矣及莊宗之崩不能自決而反逃死以求

生終於被執而見殺其言雖不屈而死非其志也烏足貴哉

以石敬瑭為陝州留後孔謙伏誅廢租庸使及內勾司仍為三司殺諸道監軍

以實錄脩

唐魏王繼岌至渭南自殺

任圜將其軍而東

呂祖謙標目

解題曰胡寅曰任圜參預軍機而主帥一旦至此是誰之過歟崇韜死圜即代總軍政繼岌死圜即將其衆而東其周身之智則賢於鍾會矣當變故時陰謀

如此他日無故死於重誨之手非不幸也李愚職與  
園同而寂無所施亦不得為無罪矣歐陽脩以為向  
使張錢不斷橋使繼岌得東明宗未必能自立是不  
然繼岌受制從襲莫能可否使其有立豈以皇后教  
殺郭崇韜既聞大變整比六師倍道赴難豈斷橋所  
能遏乎以彼之才政使東行夫豈嗣源之敵也事見  
通鑑

辛丑唐監國嗣源放溫韜段凝歸田里壬寅以前知汴

州孔循為樞密使

以通鑑脩

丙午唐監國嗣源始奠於西宮

即皇帝位

解題曰徐無黨曰曰始奠見其緩也自己丑入洛至此二十餘日矣樞前即位嗣君之禮也反逆之臣自立而用嗣君之禮見其猶有自愧之心而欲逃大惡之名也事見通鑑

庚戌殺太原尹張憲

解題曰歐陽脩曰憲之志誠可謂忠矣當其不顧其

家絕在禮而斬其使涕泣以拒昭遠之說其志甚明  
至欲與存霸俱死及存霸被殺反棄太原而出奔然  
猶不知其心果欲何為也而舊史書憲坐棄城而賜  
死予為之痛惜也事見通鑑

殺皇后及諸王

解題曰新五代史傳當莊宗遇弒時太祖子孫在者  
十有一人明宗入立其四人見殺其餘皆不知所終  
太祖之後遂絕餘見通鑑



甲寅大赦改元

解題曰宋庠紀年通譜天成本蕭淵明操乞師高開  
道安慶緒年號

留後宮百人宦官三十人廢諸司使務遣諸軍就食近

畿除夏秋稅省耗裁節度防禦貢奉

以新紀通鑑脩

五月丙辰

朔唐以太子賓客鄭珏工部尚書任園為中書侍郎同

平章事

以新紀通鑑脩

唐初令百官常朝外五日起居轉對奏事

以通鑑脩

解題曰按五代史列傳唐末喪亂天子未嘗視朝而入閣之制亦廢常叅之官日至正衙者傳聞不坐即退獨大臣奏事一見便殿而侍從內諸司再朝而已御史中丞李琪謂非唐故事請罷五日起居而復朔望入閣明宗曰五日起居不可罷而朔望入閣可復唐故事天子日御殿見羣臣曰常叅朔望薦食諸陵寢有思慕之心不能臨前殿則御便殿見羣臣曰入閣宣政前殿也謂之衙衙有仗紫宸便殿也謂之閣

其自正衙喚仗由閣門而入百官俟朝于衙者因隨以入見故謂之入閣然衙朝也其禮尊閣宴見也其事殺乾符已後天子不能日見羣臣而見朔望故正衙常日廢仗而朔望入閣有仗其後遂以入閣為重至出御前殿猶謂之入閣其後亦廢至是而復然羣臣五日一入見中興殿便殿也此入閣之遺制而謂之起居朔望一出御文明殿前殿也反謂之入閣琪皆不能正也琪又建言入閣有待制次對官論事而

內殿起居一見而退其欲言者無由而陳明宗乃詔起居曰有言事者許出行自陳又詔百官以次轉對

葉夢得曰唐日御宣政殿遇朔望諸陵薦食則御紫宸猶今之忌前一日坐崇政殿也宣政未嘗不立仗若御紫宸則旋轉宣喚仗宰相押之由紫宸殿門而入百官隨進紫宸言閣猶古之言寢也中世亂離宣政不復御立仗之禮遂廢惟以隻日御紫宸而不設仗敬宗始復脩之因使朔望陳仗紫宸亦謂之入閣後唐明宗詔羣臣五日一隨宰相入見謂之起居朔望出御文明前殿宋朝因之元豐始命侍從官以上日朝垂拱為常叅朝官以上五日一朝紫宸為六叅官京朝官以上朔望一朝紫宸為朝叅官

戊辰唐以趙在禮為義成節度使魏博卒皇甫暉趙大

為刺史

新紀實錄

解題曰按後周實錄暉附傳明宗即位以暉有唱義功授陳州刺史自後累為名郡明宗之本心如此他日從榮從厚之事其禍至慘天理真可畏哉事見通鑑

乙亥唐以翰林學士馮道趙鳳為端明殿學士

以呂祖謙標目

脩

丙子唐聽郭崇韜歸葬復朱友謙官爵

通鑑

六月丁

酉唐汴州軍亂庚子以孔循知汴州誅之

以呂祖謙標目脩唐

以夔忠萬三州隸南平

以呂祖謙  
標目脩

秋七月唐豆盧革韋

說罷

以新  
紀脩

辛巳契丹主安巴堅殂

以呂祖謙  
標目脩

唐孟知祥

增營兵

以通  
鑑脩

八月乙酉朔日有食之

通鑑

九月契丹主

德光立

以呂祖謙  
標目脩

冬十月己丑王延翰自稱大閩國王

以十國  
紀年脩

契丹盧龍節度使盧文進奔于唐

以通  
鑑脩

己酉唐

以客省使李嚴為西川都監

以通  
鑑脩

十一月唐罷告身朱

膠綾軸錢時試銜帖號正以寵將校長興以後卒伍胥

吏皆得銀青階及憲官告身以萬數

以呂祖謙  
標目脩

十二月

閩建州刺史王延稟泉州刺史王延鈞弑其王延翰延

鈞自為威武留後

以朱熹綱目脩

契丹改元

以五代會要脩

是歲吳越

王鏐改元

以五代史世家年譜脩

解題曰歐陽脩曰按世家年譜五代十國稱帝改元

者七吳越荆楚常行中國年號然予聞故老謂吳越

亦嘗稱帝改元而求其事迹不可得頗疑吳越後自

諱之及旁採閩楚南漢諸國之書與吳越往來者多

矣皆無稱帝之事獨得其封落星石為寶石山制書

稱寶貞六年辛卯即知其嘗改元矣辛卯長興二年  
乃鏐之末世也錢氏訖五代嘗外尊中國豈其張軌  
之比乎今考臨安府水月寺幢云寶貞元年錢鏐建  
又招賢寺小昭慶金牛碼頭等十幢皆二年至五年  
寶石山制書稱六年次年天竺日觀庵幢稱長興三  
年則復用唐正朔矣其年三月武肅薨方疾語其子  
元瓘曰子孫善事中國勿以易姓廢事大之禮於是  
以遺命去國儀用藩鎮法然則吳越有天寶寶大寶



貞三號不止寶貞而已

按余公綽閩王事迹吳越改元寶貞文穆薨稱世宗林仁

志王氏啟運圖云吳越改元寶貞武肅王崩子世皇嗣世皇崩子成宗嗣則改元僭號可知所以秘而不

彰者蓋當時僭偽諸國二蜀及唐史差完備惟吳越史皆子弟於後追書之故多為之隱諱也

唐明宗皇帝天成二年 吳睿帝乾貞元年 南漢高祖皇帝白龍三年 吳越王錢鏐寶貞二年 楚王馬

殷南平王高季興 閩帝王鏐 契丹天顯二年

春正月癸丑朔唐主更名亶

通鑑 癸亥唐兵部侍郎馮道太常卿崔協為中書侍郎

同平章事

以新紀脩

庚午唐初令長吏每旬慮囚

朱熹綱目

解題曰漢書錄囚顏師古注省錄之知其情狀有寬

滯與否今云慮囚本錄聲之去者耳而俗訛為思慮之慮失矣集韻錄省也通作慮以太玄蹄于狴獄三歲見錄王涯說為據

唐孟知祥殺李嚴

以呂祖謙標目脩

二月丙申唐以郭從謙為

景州刺史既而族之

以新紀通鑑脩

南平王季興襲取夔州唐

遣山南東道節度使劉訓討之

以通鑑新紀脩

三月唐盧臺戍

軍作亂夏四月庚寅討誅之

以呂祖謙標目脩

五月癸丑唐以

王延鈞為節度使琅琊王

以通鑑脩

唐攻南平弗克庚午罷

兵

以呂祖謙  
標目脩

六月丙戌唐任圜罷

以新  
紀脩

丙申唐封楚王

殷為楚國王

通鑑

唐復取夔忠萬三州

以呂祖謙  
標目脩

秋七

月癸酉唐殺豆盧革韋說

以新  
紀脩

八月己卯朔日有食之

通鑑

冬十月乙酉唐主如汴州宣武節度使朱守殷反

尋伏誅

以呂祖謙  
標目脩

乙未唐殺太子少保致仕任圜

以新  
紀脩

辛丑吳徐溫卒

呂祖謙  
標目

十一月庚戌吳楊溥稱帝改元

以朱熹  
綱目脩

吳以鎮海寧海行軍司馬徐知詢為節度使加

徐誥都督中外軍事

以通  
鑑脩

解題曰按大中祥符間太常博士許載吳唐拾遺錄  
吳順義年中差官興版簿定租稅厥田上上者每一  
頃稅錢一貫一百中田一頃稅錢一貫八百下田一  
頃千五百皆見錢如見錢不足許依市價折以金銀  
并計丁口課調亦科錢宋齊邱時為貧外郎上策曰  
江淮之地唐季戰爭之所今兵革乍息黎民始安而  
必率以見錢折以金銀此非民耕鑿可得也無非興  
販以求之是為教民棄本逐末耳是時絹每疋市賣

五百紬六百綿每兩十五文請絹每疋擡為一貫七  
百紬為二貫四百綿為四十丁口課調亦請蠲除朝  
議喧然謂虧損官錢萬數不少齊邱致書于徐誥曰  
明公總百官理大國督民見錢金銀求國富庶所謂  
擁篲救火撓水求清欲火滅水清可得乎誥得書曰  
此勸農上策也即行之自是不十年間野無間田桑  
無隙地自吳變唐歸宋民至于今受其賜而九國志  
齊邱傳中畧不書通鑑亦佚此事今因誥都督附見

之

十二月丙午唐追尊高祖考妣已下為帝后別立廟于

應州舊宅

以朱熹綱目脩

唐明宗皇帝天成三年

吳睿帝乾貞二年

南漢高祖皇帝大有元年

吳越王

錢鏐寶貞三年

楚王馬

殷

南平王高季興

閩

春正月契丹陷唐平州

以通鑑脩

帝王

契丹天顯三年

解題曰按舊史列傳同光中安巴堅欲大舉慮渤海

踵其後三年討渤海之遼東令托諾盧文進據營平

等州擾我燕薊德光天顯元年陷平州易州西北金

坡關昌平縣西居庸關順州北古北口景州東北松  
亭關平州東渝關所以限蕃漢之勢契丹陷營平入  
於關內所以易為邊患

二月丁丑朔日有食之通鑑乙未唐孔循罷以新傳脩三月

楚擊南平大破之以朱熹綱目脩漢改元以通鑑脩

解題曰宋庠紀年通譜術者卜祚得火天大有故改  
元大有

夏四月吳攻楚大敗以朱熹綱目脩庚子唐以歸德節度使王

晏球為義武招討使五月王都以奚契丹及晏球戰于曲陽大敗秋七月契丹復遣兵救都晏球大敗之于唐

河北

以呂祖謙  
標目脩

解題曰按新史列傳王都反以晏球為招討與宣徽南院使張延朗等討之都遣人北招契丹契丹遣禿餒剌將萬騎救都晏球聞禿餒等兵且來留張延朗屯新樂自逆於望都而契丹從他道入定州與都出不意擊延朗軍延朗大敗收餘兵會晏球趨曲陽



中山府縣  
隋恒陽也

都乘勝追之晏球先至水次方坐胡床指

麾而都衆掩至晏球與左右十餘人連矢射之都衆

稍却而後軍亦至晏球立高岡號令諸將皆橐弓矢

用短兵回顧者斬符彥卿以左軍攻其左高行珪以

右軍攻其右中軍騎士抱馬項馳入都遂大敗自曲

陽至定州橫屍棄甲六十餘里都與禿餒入城不敢

復出契丹又遣惕隱赫邈益禿餒騎七千晏球遇之

唐河

在今中山府望都縣即滹水也

追擊至滿城

今易州縣

斬首二千級

獲馬千疋契丹自中國多故強於北方北方諸夷皆畏服而中國之兵遭契丹者未嘗少得志自晏球擊敗禿餒又走惕隱其餘奔潰村落之人以鋤耰白挺所在擊殺之無復遺類惕隱與數十騎走至幽州西為趙德鈞所執晏球攻破定州擒禿餒剌皆送京師明宗斬禿餒等六百餘人而赦赫邈契丹後數遣使至中國之威幾於大震而契丹少衰伏矣自晏球始也餘見通鑑

唐以王延鈞為閩王

朱熹綱目

九月乙未唐溫韜段凝伏誅

以通鑑脩

已亥唐復伐南平

以呂祖謙標目脩

冬十二月丙辰南平

王季興卒其子行軍司馬從誨自為荆南節度使

以呂祖謙

標目脩

唐史館脩撰張昭遠請揀皇子師傅辨嫡庶不能

用

以呂祖謙標目脩

唐明宗皇帝天成四年

吳睿帝大和元年

南漢高祖皇帝大有二年

吳越王錢鏐寶貞四年

楚王馬殷南平王高從誨

閩契丹天顯四年

春二月癸丑唐克定州王都

帝王鏐

以呂祖謙標目脩

庚午唐主至自汴州

以新紀脩

夏四月壬

子唐以子河東節度使從榮為河南尹判六軍諸衛事  
河南尹判六軍諸衛宣武節度使從厚為河東節度使

以呂祖謙  
標目脩

解題曰按新史列傳從榮於諸皇子次最長又握兵  
柄然其為人輕雋而鷹視頗喜儒學為歌詩多招文  
學之士賦詩飲酒故後生浮薄之徒日進諛佞以驕  
其心自將相大臣皆患之明宗頗知其非而不能裁  
制嘗問曰爾軍政之餘習何事業對曰有暇讀書與

諸儒講論經義爾明宗曰經有君臣父子之道然須  
碩儒端士乃可親之吾見先帝好作詩汝將家子文  
章非素習傳於人口徒取笑也吾老矣於經義雖不  
能曉然尚喜聞之其餘不足學也餘見通鑑

甲寅唐兵部侍郎趙鳳為門下侍郎同平章事

以新紀脩五

月乙酉唐追謚少帝曰昭宣光烈孝皇帝

以新紀脩

六月唐

罷鄴都

以通鑑新紀脩

秋七月甲申唐以高從誨為節度使

以呂

祖謙標目脩

九月癸巳唐制錢鏐以太師致仕

以通鑑脩冬十一

月吳徐知詢自金陵入朝徐誥留之誥始專國政

以呂祖謙

標目

壬辰吳改元

以通鑑脩

解題曰宋庠紀年通譜太和本文宗年號

唐明宗皇帝長興元年

吳越王錢鏐寶貞五年

南漢高

祖皇帝大有三年

吳越王錢鏐寶貞五年

湖南馬

希聲

南平王高從誨

閩

帝王麟

契丹天顯五年

春二月乙卯唐改元

以新紀脩

三月壬申唐以李從暉為宣武節度使

以呂祖謙標目脩

解題曰李茂貞以唐光啟元年節度鳳翔傳子凡四

十四年

庚寅唐立淑妃曹氏為皇后

以新紀脩

夏四月戊戌唐河

中衛內指揮使楊彥溫逐節度使李從珂辛亥殺彥溫

以新紀脩

解題曰逐從珂安重誨之意也按新史列傳時明宗

春秋已高從珂

本文作潞王

於諸子次最長重誨謂從珂

非李氏子後必為國家患乃欲陰圖之通鑑止載帝

在真定時從珂嘗毆重誨重誨銜之遂疑其盡出於

私意故不取新史

戊午唐上尊號

以新紀脩

五月唐孟知祥請以雲安等鹽監

隸西川

以通鑑脩

六月癸巳朔日有食之

通鑑

秋八月唐以

前忠武節度使張延朗充三司使

以呂祖謙標目脩

解題曰三司使始於此按舊史會要戶部度支鹽鐵

唐以宰相各判一司不帶使額乾符後兵興隨處置

租庸使以掌調發兵罷則停梁租庸使總天下征賦

莊宗踵梁故事以孔謙充租庸使明帝思革其弊乃

削去使名重臣一人專其事曰判三司餘見通鑑



唐立子從榮為秦王從厚為宋王

以新紀脩

九月唐董璋與

孟知祥反庚辰陷閬州殺節度使李仁矩指揮使姚洪

死之

以呂祖謙標目脩

丙戌唐遣天雄節度使石敬瑭討董璋

以呂祖謙標目脩

漢取交州

朱熹綱目

冬十月唐族誅董璋之子光

業陷東川璋陷徵合巴蓬果五州十一月孟知祥陷渝

瀘二州

以朱熹綱目脩

楚王殷卒其子希聲自立始去國號

以呂

祖謙標目脩

乙亥孟知祥陷黔涪二州

以呂祖謙標目脩

丙戌契丹

東丹王突欲奔唐

以新紀脩

十二月唐石敬瑭屯劍門不進

綱目脩以朱熹庚戌唐以馬希聲為武安靜江節度使以通鑑脩癸

丑唐遣安重誨督蜀軍

呂祖謙標目

唐明宗皇帝長興二年吳睿帝大和三年南漢高祖皇帝大有四年吳越王錢鏐寶貞六年湖南馬

希聲南平王高從誨閩帝王鏐契丹天顯六年春正月庚午西川孟知祥

陷遂州唐武信節度使夏魯奇死之以呂祖謙標目脩唐召安

重誨還二月己丑朔石敬瑭還兩川兵追之孟知祥據

利州辛丑重誨罷孟知祥陷忠州三月陷萬夔二州以呂

祖謙標目脩唐以李從珂為左衛大將軍乙酉復吳越國王

繆官爵

以通鑑脩

解題曰於是知安重誨之禍迫矣歐陽脩曰重誨既以天下為已任遂欲內為社稷之計而外制諸侯之強然其輕信韓政之譖而絕錢鏐之臣徒陷彥溫於死而不能去潞王之患李嚴一出而知祥貳仁矩未至而董璋叛四方騷動師旅並興如投膏止火適以速之耳事見通鑑

丁亥唐太常卿李愚為中書侍郎同平章事

以新夏四紀脩

月閩奉國節度使王延稟率建州兵襲福州尋敗死

以通

鑑脩

五月己卯唐以宣徽使孟漢瓊知內侍省事

以通閏鑑脩

月唐殺太子太師致仕安重誨及其妻子丙午唐使諭

西川以重誨專命致討之罪

以新紀通鑑脩

解題曰按五代闕文李從璋奮一擊重誨於地重誨

曰重誨死無恨但不與官家誅得潞王他日必為朝

廷之患言終而絕新史亦有取焉通鑑考異謂重誨

自以私憾欲殺從珂時從珂未有跋扈之跡重誨何

以知其為朝廷之患此恐清泰篡立之後譽重誨者  
造此語夫重誨於從珂固有私憾然養子之禍不待  
智者而知况重誨乎歐陽脩掊擊重誨不遺餘力獨  
於從珂一節為之抑揚感慨蓋有深意事見通鑑

六月丙子唐均田稅

以朱熹綱目脩

秋九月吳以徐知詢為鎮

南節度使

以通鑑脩

冬十一月甲申朔日有食之

通鑑

吳徐

誥為鎮海寧國節度使鎮金陵以其子叅政事璟為司

徒右僕射致仕宋齊邱並同平章事

以通鑑脩

十二月甲寅

朔唐初聽民鑄田器收農具錢

以通鑑脩

漢愛州將楊廷藝

據交州

以呂祖謙標目脩

唐明宗皇帝長興三年

吳睿帝大和四年

南漢高祖皇帝大有五年

楚王馬希聲

南平王高從誨

吳越王錢元瓘

閩帝

春二月唐爵高從誨渤海王

以通

王鏐

契丹天顯七年

脩三月庚戌吳越王鏐卒子元瓘立

以朱熹綱目脩

孟知祥屢

說董璋表謝不從夏四月璋襲知祥五月知祥至漢州

禦之璋敗走死六月知祥兼領東川節度使

以呂祖謙標目脩

秋七月辛卯馬希聲卒其弟鎮南節度使希範自立

以朱

熹綱  
目脩

庚子唐以李從珂為鳳翔節度使

以呂祖謙  
標目脩

九月

壬午唐以馬希範為武安節度使

以通鑑脩

冬十月己酉朔

唐詔孟知祥得除劍南節度使以下官

以通鑑脩

十一月丁

亥唐以河陽節度使石敬瑭為河東節度使大同彰國

振武威塞等軍蕃漢馬步總管

以五代  
會要脩

解題曰按新史四夷附錄距幽州七百里有餘渝關

東臨海北有兔耳覆舟山山皆斗絕並海東北有路

狹僅通車其傍地可耕植唐置東西狹石等戍以扼

契丹於此戍兵常自耕植惟衣絹歲給幽州久之皆有田宅養子孫以堅守為已利自唐末幽薊戍兵廢散契丹因得出陷平營而幽薊之人歲苦寇鈔自涿州至幽州百里人跡斷絕轉餉常以兵護送趙德鈞鎮幽州置良鄉縣又於幽州東五十里築城及破赫邈等又於其東置三河縣幽薊之人始得耕牧而輸餉可通耶律德光乃西徙橫帳居捺剌泊出寇雲朔之間明宗患之以石敬瑭鎮河東總大同彰國振武



威塞等軍禦之

職方考新州唐置威塞軍應州故屬大同軍唐明宗置彰國軍吳鎮纂誤

案劉延朗傳廢帝入立晉高祖來朝復授河東而遣之時契丹寇北邊以為大同振武威塞彰國等軍馬步都總管屯忻州張敬達傳清泰二年契丹數犯邊以河東節度使石敬瑭兼大同彰國振武威塞等軍蕃漢馬步都總管屯忻州廢帝紀清泰元年九月契丹寇邊十二月寇雲州二年五月契丹寇邊則晉高祖清泰二年始兼大同等都總管遂疑總管之授非出於長興之時今按五代會要高祖以長興三年十一月授北京留守兼大同振武威塞彰國馬步總管范質五代通錄契丹寇雲州明宗擇威望大將以禦之以帝為太原節度使兼大同振武匡國威塞等軍蕃漢馬步總管廢帝復以為河東節度使總管如故續所疑皆過也

唐蔚州刺史張彥超降契丹

以通鑑脩

唐石敬瑭以部將劉

知遠為都押衙

以通鑑脩

唐明宗皇帝長興四年

吳睿帝大和五年

南漢高祖皇帝大有六年

楚王馬希範

南平王高從誨

吳越王錢元瓘

閩帝王鏐

春正月閩王延翰稱帝改

龍啟元年

契丹

天顯八年

元更名鏐

以呂祖謙標目脩

二月乙卯以馬希範為武安武平

節度使

以通鑑脩

戊午唐李仁福卒其子彛超自稱定難留

後

以通鑑脩

癸亥唐以孟知祥為東西川節度使蜀王

通鑑

三月癸未唐以彰武節度使安從進為定難留後李彛

超為彰武留後彛超不奉詔命從進討之

綱目脩以朱熹

夏五

月戊寅唐立子從益為許王從珂潞王

綱目脩以呂祖謙

秋七

月壬午唐召安從進還

標目脩以呂祖謙

乙酉唐優賜在京諸

軍

以通鑑脩

丁亥唐爵錢元瓘吳王

以通鑑脩

八月戊申唐加上

尊號優給內外將士

以通鑑脩

唐太僕少卿致仕何澤請立

皇太子辛未以秦王從榮為天下兵馬大元帥

以通鑑脩

解題曰大位姦之窺也危病邪之伺也明宗既病不

立太子之位國本曷自而定今假以天下兵馬元帥

之名則兵權徒重而已施之一差禍不旋踵而至矣

事見通鑑

新史列傳有司言元帥或統諸道或專一面自前世無天下大元帥之名禮無所考

請自節度使以下凡領兵職者皆具橐鞬以軍禮庭參其兼同中書門下平章事者初見亦如之其後許如客禮凡元帥府文符行天下皆用帖

九月戊戌唐以侍中樞密使趙延壽為宣武節度使山

南東道節度使朱弘昭為樞密使同平章事冬十月庚

申樞密使范延光為成德節度使三司使同中書門下

二品馮贇為樞密使

以通鑑脩

壬戌唐以李彝超為節度使

以通鑑脩

十二月己丑唐主大漸壬辰秦王從榮以兵入宮

不克死甲午召天雄節度使宋王從厚戊戌唐主殂十

二月癸卯宋王從厚即皇帝位

以新紀脩

解題曰歐陽脩曰明宗晚而多病王淑妃專內以干

政宦者孟漢瓊因以用事秦王入視明宗疾已革既

出而聞哭聲以謂帝崩矣乃謀以兵入宮者懼不得

立也大臣朱弘昭等方圖其事議未決漢瓊遽入見

明宗言秦王反陷秦王大惡而明宗以此飲恨而終

又曰予聞長老為予言明帝雖出夷狄而為人純質  
寬仁愛人於五代之君有足稱也嘗夜焚香而祝曰  
臣本蕃人豈足以治天下世亂久矣願天早生聖人  
自初即位減罷宮人伶官廢內藏庫四方所上物悉  
歸之有司廣壽殿火災有司理之請加丹雘喟然嘆  
曰天以火災戒我豈宜增以侈耶歲嘗旱已而雪暴  
坐庭中詔武德司宮中無埽雪曰此天所以賜我也  
數問宰相馮道等民間疾苦道等言穀帛賤民無疾

疫則欣然曰吾何以堪之當與公等作好事以報上天吏有犯賊輒置之死曰此民之蠹也以詔書褒廉吏孫岳等以風示天下其愛人恤物盖亦有意於治矣其即位時春秋已高不邇聲色不樂遊畋在位七年兵革粗息年屢豐登生民賴以休息然夷狄性果仁而不明屢以非辜誅殺臣下至於從榮父子之間不能慮患為防而變起倉卒陷之以大惡帝亦由此飲恨而終事見通鑑

大事記續編卷七十三